

十八家詩鈔

冊二



十八家詩鈔卷二目錄

鮑明遠五古一百三十一首

採桑

代蒿里行

代挽歌

代東門行

代放歌行

代陳思王京洛篇二首

代門有車馬客行

代權歌行

代白頭吟

代東武吟

代別鶴操

代出自薊北門行

代陸平原君子有所思行

代悲哉行

代陳思王白馬篇

代昇天行

松柏篇

代苦熱行

代朗月行

代堂上歌行

代結客少年場行

扶風歌

代少年時至衰老行

代陽春登荆山行

代貧賤苦愁行

代邊居行

代邽街行

蕭史曲

侍宴覆舟山二首

從拜陵登京峴

蒜山被始興王命作

登廬山

從廬山望石門

從登香爐峯

從庾中郎遊園山石室

登翻車峴

登黃鶴磯

登雲陽九里埭

自礪山東望震澤

三日遊南苑

贈故人馬子喬六首

答客

和王丞

日落望江贈荀丞

秋日示休上人

答休上人

吳興黃浦亭庾中郎作

與伍侍郎別

送別王宣城

送從弟道秀別

贈傅都曹別

和傅大農與僚故別

送盛侍郎餞候亭

與荀中書別

從過舊宮

從臨海王上荆初發新渚

還都道中三首

上潯陽還都道中

還都至三山望石頭城

還都口號

行京口至竹里

發後渚

岐陽守風

發長松遇雪

詠史

蜀四賢詠

擬古八首

紹古辭七首

學古

古辭

擬青青陵上柏

學劉公幹體五首

擬阮公夜中不能寐

學陶彭澤體

白雲

臨川王服竟還田里

行藥至城東橋

園中秋散

觀圃人藝植

遇銅山掘黃精

見賣玉器者

懷遠人



夢歸鄉

春羈

歲暮悲

在江陵數年傷老

夜聽妓

翫月城西門廨中

喜雨

苦雨

詠白雪

三日

詠秋

秋夕

秋夜二首

和王護軍秋夕

和王義興七夕

冬至

冬日

望水

望孤石

山行見孤桐

詠雙燕二首

謝元暉五古一百十八首

隋王鼓吹曲十首

江上曲

蒲生行

詠邯鄲才人嫁爲廝養卒婦

鼓吹曲二首同沈右率諸公賦

秋竹曲

曲池水

銅爵臺同謝諮議賦

遊山

遊敬亭山

將遊湘水尋句溪

遊東田

答王世子

答張齊興

暫使下都夜發新林至京邑贈西府同僚

酬晉安王德元

郡內高齋閒望答呂法曹

在郡臥病呈沈尚書

別王丞僧孺

同羈夜集

新亭渚別范零陵雲

忝役湘州與宣城吏民別

懷故人

始之宣城郡

之宣城郡出新林浦向板橋

休沐重還丹陽道中

京路夜發

晚登三山還望京邑

始出尚書省

直中書省

觀朝雨

宣城郡內登望

冬日晚郡事隙

高齋視事

冬緒羈懷示蕭諮議虞田曹劉江二常侍

落日悵望

賽敬亭山廟喜雨

賦貧民田

移病還園示親屬

治宅

秋夜講解

春思

秋夜

和何議曹郊遊二首

和劉西曹望海臺

和宋記室省中

和王著作融八公山

和伏武昌登孫權故城

夏始和劉孱陵

新治北窗和何從事

和王主簿季哲怨情

和徐都曹出新亭渚

和劉中書

贈王主簿二首

和蕭中庶直石頭

奉和竟陵王同沈右率過劉先生墓

和王長史臥病

和江丞孝嗣北戍琅邪城

和沈祭酒行園

奉和隋王殿下十六首

和紀參軍服散得益

和王中丞聞琴

將發石頭上烽火樓

望三湖

送江水曹還遠館

送江兵曹檀主簿朱孝廉還上國

臨溪送別

後齋迴望

與江水曹至干濱戲

答沈右率諸君餞別

離夜同江丞王常侍作

祀敬亭山廟

出下館

落日同何儀曹煦

夜聽妓二首

詠薔薇

詠蒲

詠兔絲

遊東堂詠桐

雜詠三首

同詠樂器得琴

同詠坐上玩器得烏皮隱几

同詠坐上所見一物得席

詠竹火籠

詠風

詠竹

詠落梅

詠牆北槐子

十八家詩鈔卷三目錄



十八家詩鈔卷二

湘鄉曾國藩纂

合肥李鴻章審訂  
東湖王定安校

鮑明遠五古一百三十一首

採桑

陌上桑本秦羅敷拒絕挑者之辭樂府解  
題謂採桑亦出於陌上桑國藩按陌上桑

謂夫不在而拒入此  
則似與夫同處者

季春梅始落工女事蠶作採桑淇洧閒還戲上宮閣  
早蒲時結陰晚篁初解籜藹藹霧滿閨融融景盈幕  
乳燕逐草蟲巢蜂拾花萼是節最暄妍佳服又新爍  
綿玉臺歎對迴塗揚歌弄場藿抽琴試杼思薦珮果  
成託承君郢中美服義久心諾衛風古愉豔鄭俗舊  
浮薄靈願悲渡湘宓賦笑瀝洛盛明難重來淵意爲  
誰涸君其且調絃桂酒妾行酌

代蒿里行

同盡無貴賤殊願有窮伸馳波催永夜零露逼短晨

結一作驅我幽山駕去此滿堂親虛容遺劍佩實貌哉

衣巾斗酒安可酌尺書誰復陳年代稍推遠懷抱日

幽淪人生良可劇天道與何人齎我長恨意歸為狐

兔塵

代挽歌

獨處重冥下憶昔登高臺傲岸平生中不為物所裁

挺門祇復閉白蟻相將來生時芳蘭體小蟲今為災

玄鬢無復根枯體依青苔憶昔好飲酒素盤進青梅

彭韓及廉藺疇昔已成灰壯士皆死盡餘人安在哉

勢氣

代東門行

樂府解題曰古辭出東門言士有貧不安其居者拔劍欲去妻子牽衣留

之願共鋪糜不求富貴若鮑照之詩則但傷離別而已

傷禽惡我驚倦客惡離聲離聲斷客情賓御皆涕零

涕零心斷絕將去復還訣一息不相知何況異鄉別

遙遙征駕遠杳杳白日晚居人掩閨臥行子夜中飯  
野風吹草木行子心腸斷食梅常苦酸衣葛常苦寒  
絲竹徒滿座憂人不解顏長歌欲自慰彌起長恨端  
勢氣

代放歌行

放歌行一曰孤兒行一曰孤子生行  
言孤兒為兄嫂所苦難與久居也鮑

照此詩則言榮利  
之場不宜輕入也

蓼蟲避葵堇習苦不言非小人自齷齪安知曠士懷

雞鳴洛城裏禁門平日開冠蓋縱橫至車騎四方來

素帶曳長飈華纓結遠埃日中安能止鐘鳴猶未歸

夷世不可逢賢君信愛才明慮自天斷不受外嫌猜

一言分珪爵片善辭草萊豈伊白璧賜將起黃金臺

今君有何疾臨路獨遲迴

氣勢○首四句以蓼蟲之  
習苦喻世之習於榮利

仕沈溺而不反者雞鳴八句極言榮利之場眾所共  
趨夷世十句蓋反言以見意向使君非愛才嫌猜不

斷則不能不  
臨路遲迴矣

代陳思王京洛篇二首

玉臺作煌煌京洛行

珍做宋版印

鳳樓十二重四戶八綺窗繡桷金蓮花桂柱玉盤龍  
 珠簾無隔露羅幌不勝風寶帳三千所為爾一朝容  
 揚芬紫煙上垂綵綠雲中春吹回白日霜高落塞鴻  
 但懼秋塵起盛愛逐衰蓬坐視青苔滿臥對錦筵空  
 琴瑟縱橫散舞衣不復縫古來共歇薄君意豈獨濃  
 惟見雙黃鵠千里一相從氣勢○春吹四句言時移事異盛極必衰  
 南遊偃師縣斜上霸陵東迴瞻龍首堞遙望德陽宮  
 重門遠照耀天閣復穹隆城傍疑複道樹裏識松風  
 黃河入洛水丹泉繞射熊夜輪懸素魄朝天蕩碧空  
 秋霜曉驅雁春雨暗成虹曲陽造甲第高安還禁中  
 劉蒼歸作相竇憲出臨戎此時車馬合茲晨冠蓋通  
 誰知兩京盛歡宴遂無窮

代門有車馬客行

門有車馬客皆言問訊其客備敘市朝遷變親友彫落之

意也鮑詩則並敘  
此客旋又別去

門有車馬客問客何鄉士捷步往相訊果得舊鄰里  
悽悽聲中情慊慊增下俚語昔有故悲論今無新喜  
清晨相訪慰日暮不能已歡戚競尋緒談調何終止  
辭端竟未究忽唱分途始前悲尚未弭後感方復起  
嘶聲盈我口談言在君耳手迹可傳心願爾篤行李  
篤行李猶云  
珍重道塗

### 代權歌行

羈客離嬰時飄颻無定所昔秋寓江界茲春客河滸  
往戢于役身願言永懷楚泠泠儵疏潭邕邕雁循渚  
颺戾長風振搖曳高帆舉驚波無留連舟人不躊躇

### 代白頭吟

樂府解題曰鮑照張正見虞世南白  
頭吟皆自傷清直芬馥而遭鑠金玷

玉之謗君  
恩以薄

直如朱絲繩清如玉壺冰何慚宿昔意猜恨坐相仍

人情賤恩舊世議逐衰興毫髮一為瑕邱山不可勝

食苗實碩鼠黠白信蒼蠅鳧鵠遠成美薪藟前見陵

韓詩外傳田饒謂魯哀公曰雞有五德君食之者以其所從來近也黃鵠一舉千里君貴之者以其所從來遠也史記汲黯謂武帝曰陛下用羣臣如積薪後來者居上申黜褒女進班去趙

姬升周王日淪惑漢帝益嗟稱心賞猶難恃貌恭豈

易憑古來共如此非君獨撫膺氣勢

代東武吟東武吟傷時移事異榮華徂謝也此專言苦戰老將傷時事之移易

主人且勿誼賤子歌一言僕本寒鄉士出身蒙漢恩

始隨張校尉張騫占一作召募到河源後逐李輕車李蔡

也追虜窮塞垣密塗互萬里甯歲猶七奔密近也近塗猶萬里

則遠者可知甯歲猶七奔則多事時可知肌力盡鞍甲心思歷涼温將軍

既下世部曲亦罕存時事一朝異孤續誰復論少壯

辭家去窮老還入門腰鎌刈葵藿倚杖牧雞豚昔如

韝上鷹今似檻中猿徒結千載恨空負百年怨棄席

思君幄疲馬戀君軒願垂晉主惠不愧田子魂氣勢

子晉文公至河令曰籩豆捐之席蓐損之舅犯聞之

哭文公乃止韓詩外傳田子方出見老馬於道曰少

盡其力老棄其身仁者不為也東帛而贖之

代別鶴操古今注曰別鶴操商陵牧子所作也娶妻五年無子父兄將為之改娶其

妻中夜起倚戶而悲雙鶴俱起時徘徊滄海閒長弄若天漢輕軀似雲懸

幽客時結侶提攜遊三山青繳凌瑤臺丹羅籠紫煙

海上悲風急三山多雲霧散亂一相失驚孤不得住

緬然日月馳遠矣絕音儀有願而不遂無怨以生離

鹿鳴在深草蟬鳴隱高枝心自有所存一作旁人那

得知

代出自薊北門行出自薊北門行大致與從軍行同而兼言燕薊風物此則

竝及忠節矣

羽檄起邊亭烽火入咸陽徵騎屯廣武分兵救朔方

巖秋筋竿勁虜陣精且疆天子按劍怒使者遙相望  
雁行緣石徑魚貫度飛梁簫鼓流漢颺旌甲被胡霜  
疾風衝塞起沙礫自飄揚馬毛縮如蝟角弓不可張  
時危見臣節世亂識忠良投軀報明主身死為國殤

勢氣

代陸平原君子有所思行

樂府解題曰君子有所思行陸機鮑照沈

約之辭皆言彫室麗色不足為久懼宴安酖毒滿盈所宜敬忌

西上登雀臺東下望雲闕層閣肅天居馳道直如髮  
繡甍結飛霞璇題納行月築山擬蓬壺穿池類溟渤  
選色遍齊岱徵聲匝邛越陳鐘陪夕讌笙歌待明發  
年貌不可還身意會盈歇蟻壤漏山阿善作絲淚毀  
金骨器惡含滿敬物忌厚生沒智哉衆多士服理辨  
昭晰

代悲哉行



羈人感淑節緣感欲回轍我行詎幾時華實驟舒結  
覩實情有悲瞻華意無悅覽物懷同志如何復乖別  
翩翩翔禽羅關關鳴鳥列翔鳴尚儔偶所歎獨乖絕

代陳思王白馬篇

白馬駢角弓鳴鞭乘北風要途問邊急雜虜入雲中  
閉壁自往夏清野徑還冬僑裝多闕絕旅服少裁縫  
埋身守漢境一作節沈命對胡封埋身沈命皆堅志赴敵之意薄暮

塞雲起飛沙被遠松含悲望兩都楚歌登四墉丈夫  
設計誤懷恨逐邊戎棄一作罷別中國愛邀冀胡馬功  
去來今何道卑賤生所鍾但令塞上兒知我獨為雄

代昇天行昇天行本求仙之意而此詩窮途三句似亦譏學仙者

家世宅關輔勝帶宦王城備聞十帝事委曲兩都情  
倦見物興衰驟覩俗屯平翩翩若回掌恍惚似朝榮  
窮途悔短計晚志重一作愛長生從師入遠嶽結友事

仙靈五圖

一作芝

發金記九籥隱丹經

道書有五岳真形圖金記謂金

丹書也籥者藏書之籥丹有九轉故曰九籥也

風餐委松宿雲臥恣天行冠

霞登綵閣解玉飲椒庭暫遊越萬里少

一作近

別數千

齡鳳臺無還駕簫管有遺聲

列仙傳蕭史者善吹簫秦穆公以女弄玉妻之

為作鳳臺夫婦止其上

何當與汝曹啄腐共吞腥

松柏篇並序

余患腳上氣四十餘日知舊先借傅玄集以

余病劇遂見還開帙適見樂府詩龜鶴篇於

危病中見長逝詞惻然酸懷抱如此重病彌

時不差呼吸乏喘舉目悲矣火藥閒闕而擬

之

松柏受命獨歷代長不衰人生浮且脆歎若晨風悲

東海迸逝川西山導落暉南廓

一作郊

悅籍短蒿里收

永歸諒無疇昔時百病起盡期志士惜牛刀忍勉自

療治傾家行藥事顛沛去迎醫徒備火石苦奄至不  
得辭龜齡安可獲岱宗限已迫睿聖不得留爲善何  
所益捨此赤縣居就彼黃壚宅永離九原親長與三  
辰隔屬續生望盡闔棺世業埋事痛存人心恨結士  
者懷祖葬旣云及壙隧亦已開室族內外哭親疏同  
共哀外姻遠近至名列通夜臺扶輿出殯宮低徊戀  
庭室天地有盡期我去無還日居者今已盡人事從  
此畢火歇煙旣沒形鎖聲亦滅鬼神來依我生人永  
辭訣大暮杳悠悠長夜無時節鬱湮重冥下煩冤難  
具說安寢委沈寔戀戀念平生事業有餘結刊述未  
及成資儲無擔石兒女皆孩嬰一朝放捨去萬恨纏  
我情追憶世上事束教已自拘明發靡怡愈夕歸多  
憂虞轍閒晨逕荒輟宴式酒濡知今瞑目苦恨失爾  
時娛遙遙遠民居獨埋深壤中墓前人跡滅冢上草

日豐空林響鳴蜩高松結悲風長寐無覺期誰知逝  
者窮生存處交廣連榻舒華茵已沒一何苦楛哉不  
容身昔日平居時晨夕對六親今日奄奈何一見無  
諧因禮席有降殺三齡速過隙几筵就收撤室宇改  
疇昔行女遊歸途行女已嫁之妃仕子復王役家世本平常  
獨有亡者劇時祀望歸來四節靜坐邱孝子撫墳號  
父兮知來不欲還心依戀欲見絕無由煩冤荒隴側  
肝心盡崩抽

代苦熱行

赤阪橫西阻火山赫南威身熱頭且痛馬墜魂來歸  
湯泉發雲潭焦煙起石圻日月有恆昏雨露未嘗晞  
丹蛇踰百尺玄蜂盈十圍含沙射流影吹蠱病行暉  
瘴氣晝薰體茵露夜霑衣茵草名有毒其上  
露觸之肉即潰爛飢猿莫  
下食晨禽不敢飛毒涇尚多死度瀘甯具腓生軀蹈

死地昌志登禍機。戈船榮旣薄。伏波賞亦微。爵輕君尚惜。士重安可希。韓詩外傳宋燕相齊罷召客與赴繡從風而徹士曾不得緣衣夫財者君所輕死者士所重君不能用所輕欲使士用重乎○前言苦熱瘴毒末言從軍死地勞多而賞薄

### 代朗月行

朗月出東山。照我綺窗前。窗中多佳人。被服妖且妍。靚妝坐帷裏。當戶弄清絃。鬢奪衛女迅。體絕飛燕先。爲君歌一曲。當作朗月篇。酒至顏自解。聲和心亦宣。千金何足重。所存意氣閒。

### 代堂上歌行

四坐且莫諠。聽我堂上歌。昔仕京洛時。高門臨長河。出入重宮裏。結友曹與何。車馬相馳逐。賓朋好容華。陽春孟春月。朝光散流霞。輕步逐芳風。言笑弄丹葩。暉暉朱顏酡。紛紛織女梭。滿堂皆美人。目成對湘娥。

雖謝侍君閑。明妝帶綺羅。箏笛更談吹。高唱好相和。  
萬曲不關心。一曲動情多。欲知情厚薄。更聽此聲過。

代結客少年場行

結客少年場本言輕生重義  
慷慨以立功名者此則兼言

晚節坎  
壞之狀

驄馬金絡頭。錦帶佩吳鉤。失意杯酒閒。白刃起相讐。  
追兵一日至。負劍遠行遊。去鄉三十載。復得還舊邱。  
升高臨四關。表裏望皇州。九衢平若水。雙闕似雲浮。  
扶宮羅將相。夾道列王侯。日中市朝滿。車馬若川流。  
擊鍾陳鼎食。方駕自相求。今我獨何為。罔壞懷百憂。

氣勢

### 扶風歌

昨辭金華殿。今夕鴈門縣。寢臥握秦戈。棲息抱越箭。  
忍悲別親知。行泣隨征傳。寒煙空徘徊。朝日乍舒卷。

代少年時至衰老行

憶昔少年時馳逐好名晨結友多貴門出入富兒鄰  
綺羅豔華風車馬自揚塵歌唱青齊女彈箏燕趙人  
好酒多芳氣銷味厭時新今日每相念此事邈無因  
寄語後生子作樂當及春

代陽春登荆山行

日登荆山頭崎嶇道難遊早行犯霜露苔滑不可留  
極眺入雲表窮目盡帝州方都列萬室層城帶高樓  
奕奕朱軒馳紛紛縞衣流日氛映山浦暄霧逐風收  
花木亂平原桑柘綿平疇攀條弄紫莖藉露折芳柔  
遇物雖成趣念者不解憂且共傾春酒長歌登山邱  
代貧賤苦愁行

湮沒雖死悲貧苦卽生劇長歎至天曉愁苦窮日夕  
盛顏當少歇鬢髮先老白親友四面絕朋知斷三益  
空庭慚樹萱藥餌愧過客貧年忘日時黯顏就人惜

珍做宋版印  
俄頃不相酬。慙怩面已赤。或以一金恨。便成百年隙。  
心爲千條計。事未見一獲。運圯津塗塞。遂轉死溝洫。  
以此窮百年。不如還窶窳。

代邊居行

少年遠京陽。遙遙萬里行。陋巷絕人徑。茅屋摧山岡。  
不覩車馬迹。但見麋鹿場。長松何落落。邱隴無復行。  
邊地無高木。蕭蕭多白楊。盛年日月書。一去萬恨長。  
悠悠世中人。爭此錐刀忙。不憶貧賤時。富貴輒相忘。  
紛紛徒滿目。何關慨予傷。不如一畝中。高會挹清漿。  
遇樂便作樂。莫使候朝光。

代邽街行

一作去邪行

竚立出門衢。遙望轉蓬飛。蓬去舊根在。連翩逝不歸。  
念我捨鄉俗。親好久乖違。慷慨懷長想。惆悵戀音徽。  
人生隨事變。遷化焉可祈。百年難必果。千慮易盈虧。



蕭史曲

蕭史愛長年。羸女惜童顏。火粒願排棄。霞霧好登攀。  
龍飛逸天路。鳳起入秦關。身去長不返。簫聲時往還。  
侍宴覆舟山二首

息雨清上郊。開雲照中縣。遊軒越丹居。暉燭集涼殿。  
凌高躋飛楹。追焱起流宴。松苑含靈羣。巖庭藏物變。  
明輝爍神都。麗氣冠華甸。目遠幽情周。醴洽深恩遍。  
繁霜飛玉闥。愛景麗皇州。清蹕戒馳路。羽蓋佇宣游。  
神居旣崇盛。崑嶮信環周。禮俗陶德聲。昌會溢民謳。  
慚無勝化質。謬從雲雨游。

從拜陵登京峴

孟冬十月交。殺盛陰欲終。風烈無勁草。寒甚有凋松。  
軍井冰晝結。士馬氈夜重。晨登峴山首。霜雪凝未通。  
息鞍循隴上。支劍望雲峯。表裏觀地險。昇降究天容。

東嶽覆如礪。瀛海安足窮。傷哉長永矣。馳光不再中。  
衰賤謝遠願。疲老還舊邦。深德竟何報。徒令田陌空。  
蒜山被始興王命作

暮冬霜朔嚴。地閉泉不流。玄武藏木陰。丹鳥還養羞。  
勞農澤既周。役車時亦休。高薄符好蒨。藻駕及時遊。  
鹿苑豈淹睇。兔園不足留。升嶠眺日軌。臨迴望滄洲。  
雲生玉堂裏。風靡銀臺陬。陂石類星懸。嶼木似煙浮。  
形勝信天府。珍寶麗皇州。白日迴清景。芳豔洽歡柔。  
參差出寒吹。颺戾江上謳。王德愛文雅。飛翰灑鳴球。  
美哉物會昌。衣道服光猷。

登廬山

懸裝亂水區。薄旅次山楹。千巖盛阻積。萬壑勢迴縈。  
巖從高昔貌。紛亂襲前名。洞澗窺地脈。聳樹隱天經。  
松磴上迷密。雲竇下縱橫。陰冰實夏結。炎樹信冬榮。

嘈噴晨鷗思叫嘯夜猿清深崖伏化迹窮岫閱長靈  
乘此樂山性重以遠遊情方躋羽人途永與煙霧并

登廬山望石門

訪世失隱淪從山異靈士明發振雲冠升嶠遠棲趾  
高岑隔半天長崖斷千里氛霧承星辰潭壑洞江汎  
蘄絕類虎牙巒玩象熊耳埋冰或百年韜樹必千祀  
雞鳴清澗中猿嘯白雲裏瑤波逐穴開霞石觸峯起  
迴互非一形參差悉相似傾聽鳳管賓緬望釣龍子  
松桂盈膝前如何穢城市

從登香爐峯

辭宗盛荆夢登歌美鳧繹徒收杞梓饒曾非羽人宅  
羅景藹雲扃沾光扈龍策御風親列涂乘山窮禹跡  
含嘯對霧岑延蘿倚峯壁青冥搖煙樹穹跨負天石  
霜崖滅土膏金澗測泉脈旋淵抱星漢乳竇通海碧

谷館駕鴻人巖棲咀丹客殊物藏珍怪奇心隱仙籍  
高世伏音華綿古遁精魄蕭瑟生哀聽參差遠驚覲  
漸無獻賦才洗汗奉毫帛

從庾中郎遊園山石室

荒塗趣山楹雲崖隱靈室岡澗紛縈抱林障杳重密  
昏昏磴路深活活梁水疾幽隅秉晝燭地牖窺朝日  
怪石似龍章。瑕壁麗錦質洞庭安可窮漏井終不溢  
沈空絕景聲崩危坐驚慄神化豈有方妙象竟無述  
至哉鍊玉人處此長自畢

登翻車峴

高山絕雲霓深谷斷無光晝夜淪霧雨冬夏結寒霜  
淖坂旣爲領磧路又羊腸畏塗疑旅人忌轍覆行箱  
升岑望原陸四眺極川梁遊子思故居離客遲新鄉  
新知有客慰追故遊子傷

登黃鶴磯

木葉江渡寒雁還風送秋臨流斷商絃瞰川悲棹謳  
適郢無東轅還藝文作過夏有西浮三崖隱丹磴九派引  
滄流淚行感湘別弄珠懷漢遊豈伊藥餌泰得奪旅  
人憂

登雲陽九里埭

宿心不復歸流年抱衰疾旣成雲雨人悲緒終不一  
徒憶江南聲空錄齊后瑟方絕縈絃思豈見繞梁日  
自礪山東望震澤

瀾漫潭洞波合沓崿嶂雲漲島遠不測岡澗近難分  
幽篁愁暮見思鳥傷夕聞以此藉沈痾棲迹別人羣  
結言非盡書有念豈敷文

二日遊南苑

採蘋及華月追節逐芳雲騰菴溢林疏麗日擘山文

清潭圓翠會花薄綠綺紋合樽遽景斜折榮吝組芬  
贈故人馬子喬六首

躑躅城上羊攀隅食玄草俱共日月輝昏明獨何早  
夕風飄野籜飛塵被長道親愛難重陳懷憂坐空老  
寒灰滅更然夕華晨更鮮春冰雖暫改冬水復還堅  
佳人捨我去賞愛長絕緣歡至不留日感物輒復年  
松生隴坂上百尺下無枝東南望河尾西北隱崑崖  
野風振山籟朋鳥夜驚離悲涼貫年節蔥翠恆若斯  
安得草木心不怨寒暑移

種橘南池上種杏北池中池北既少露池南又多風  
早寒逼晚歲衰恨滿秋容湘濱有靈鳥其字曰鳴鴻  
一挹繒繳痛長別遠無雙

皎如川上鵠赫似握中丹宿心誰不欺明白古所難  
憑楹觀皓月灑酒盪憂顏永念平生意窮光不忍還

淹留徒攀桂延佇空結蘭

雙劍將離別先在匣中鳴煙雨交將夕從此遂分形

雌沈吳江裏

玉臺作水

雄飛入楚城吳江深無底楚關有

崇扃一爲天地別豈直限幽明神物終不隔千祀儻還并

### 答客

幽居屬有念合意未連詞會客從外來問君何所思  
澄神自惆悵嘿慮久迴疑謂賓少安席方爲子陳之  
我以華門士負學謝前基愛賞好徧越放縱少矜持  
專求遂性樂不計緝名期歡至獨斟酒憂來輒賦詩  
聲交稍希歇此意更堅滋浮生急馳電物道險絃絲  
深憂寡情謬進伏兩睽時願賜卜身要得免後賢嗤  
對客自陳素抱而終問之亦屈原卜居之旨

### 和王丞

限生歸有窮長意憶一作無已年秋心日迴絕春思坐

連綿銜協曠古願斟酌高代賢迹俱浮海採藥共  
還山夜聽橫石波朝望宿巖煙明澗子沿越飛蘿予  
榮牽性好必齊遂迹幽非妄傳滅志身世表藏名琴  
酒閒

日落望江贈荀丞

旅人乏愉樂薄暮增思深日落嶺雲歸延頸望江陰  
亂流巖大壑長霧匝高林林際無窮極雲邊不可尋  
惟見獨飛鳥千里一揚音推其感物情則知遊子心  
君居帝京內高會日揮金豈念慕羣客咨嗟戀景沈

情韻

秋日示休上人

枯桑葉易零疲客心易驚今茲亦何早已聞絡緯鳴  
迴風滅且起卷蓬息復征愴愴簞上寒悽悽帳裏清



物色延暮思。霜露逼朝榮。臨堂觀秋草。東西望楚城。  
百物方蕭瑟。坐歎從此生。

答休上人

酒出野田稻。菊生高岡草。味貌復何奇。能令君傾倒。  
玉椀徒自羞。爲君慨此秋。金蓋覆牙捰。何爲心獨愁。  
吳興黃浦亭庾中郎作

風起洲渚寒。雲上日無輝。連山眇煙霧。長波迴難依。  
旅雁方南過。浮客未西歸。已經江海別。復與親眷違。  
奔景易有窮。離袖安可揮。懽觴爲悲酌。歌服成泣衣。  
溫念終不渝。藻志遠存追。役人多牽滯。顧路慚奮飛。  
昧心附遠翰。炯言藏佩章。

與伍侍郎別

民生如野鹿。知愛不知命。飲齧具攢聚。翹陸歛驚迸。  
傷我慕類心。感爾食苹性。漫漫鄢郢途。渺渺淮海涇。

子無金石質吾有犬馬病憂樂安可言離會孰能定  
欽哉慎所宜砥德乃為盛貧游不可忘久交念敦敬

送別王宣城

發郢流楚思涉淇興衛情既逢青春獻復值白蘋生  
廣望周千里江郊藹微明舉爵自惆悵歌管為誰清  
潁陰騰前藻淮陽流昔聲樹道慕高華屬路佇深馨

送從弟道秀別

參差生密念躑躅行思悲悲思戀光景密念盈一作彌  
歲時歲時多阻折光景乏安怡以此苦風情日夜驚  
懸旗登山臨朝日揚袂別所思浸淫日潮廣瀾漫宿  
雲滋天陰懼先發路遠常早辭篇詩後相憶杯酒今  
無持游子苦行役冀會非遠期

贈傅都曹別

輕鴻戲江潭孤雁集洲沚邂逅兩相親緣念共無已

風雨好東西。一隔頓萬里。追憶棲宿時。聲容滿心耳。  
落日川渚寒。愁雲繞天起。短翮不能翔。徘徊煙霧裏。  
和傅大農與僚故別

絕節無緩響。傷雁有哀音。非同年歲意。誰共一作別

離心。伊昔謬通塗。冠屣預人林。浮江望南嶽。登潮窺  
海陰。孰謂游居淺。慕美久相深。萋萋春草秀。嚶嚶喜  
候禽。辰物盡明茂。尊盛獨幽沈。之子安所適。我方棲  
舊岑。墜歡豈更接。明愛邈難尋。

送盛侍郎餞候亭

霑霜襲冠帶。驅駕越城闈。北臨出塞道。南望入鄉津。  
高墉宿寒霧。平野起秋塵。君爲坐堂子。我乃負羈人。  
欣悲豈等志。甘苦誠異身。結涕園中草。憔悴悲此春。

與荀中書別

勞舟厭長浪。疲旆倦行風。連翩感孤志。契闊傷賤躬。

親交篤離愛眷戀置酒終敷文勉征念發藻慰愁容  
思君吟涉洧撫己謠渡江慙無黃鶴翅安得久相從  
願遂宿知意不使舊山空

從過舊宮

肅裝屬雲旅。奉朝承末塗。嚴恭履桑梓。加敬覽枌榆。  
靈命蘊川瀆。帝寶伏篇圖。虎變由石紐。龍翔自鼎湖。  
功冠生民始。道妙神器初。宮陞留前制。歌思溢今衢。  
餘祥見雲物。遺像存陶漁。泉流信清泌。原野實甘荼。  
豈伊愛鄴鄙。天險兼上腴。東秦邦北門。非親誰克居。  
仁聲日月懋。惠澤雲雨敷。盧令美何歇。唐風久不渝。  
微臣逢世慶。征賦備人徒。空費行葦德。採束謝生芻。  
從臨海王上荆初發新渚

客行有苦樂。但問客何行。

襲王粲從軍行調

拔龍不待翼。附

驥絕塵冥。梁珪分楚牧。羽鷁指全荆。雲艫掩江汜。千

里被連旌戾戾日風道嘈嘈晨鼓鳴收纜辭帝郊揚  
棹發皇京。狐兔懷窟志。犬馬戀主情。撫襟同太息相  
顧俱涕零。奉役塗未啓。思歸思已盈。

還都道中二首

悅懌遂還心。踊躍貪至勤。鳴雞戒征路。暮息落日分。  
急流騰飛沫。回風起江濱。孤獸嘒夜侶。離鴻噪霜羣。  
物哀心交橫。聲切思紛紜。歎慨訴同旅。美人無相聞。  
風急訊灣浦。裝高偃檣舳。夕聽江上波。遠極千里目。  
寒律驚窮蹊。爽氣起喬木。隱隱日沒岫。瑟瑟風發谷。  
鳥還暮林誼。潮上冰結狀。夜分霜下淒。悲端出遙陸。  
愁來攢入懷。羈心苦獨宿。

久宦迷遠川。川廣每多懼。薄止閭邊亭。關歷險程路。  
羸羸冥隅岫。濛濛昧江上。霧時涼籟爭吹。流洄浪奔趣。

一作

惻馬增愁起。搔首東南顧。茫然荒野中。舉目皆

凜素回風揚江泌寒鳥棲動樹太息終晨漏企我歸  
颯遇

上尋陽還都道中

昨夜宿南陵今日入蘆洲客行惜日月崩波不可留

侵星赴早路畢景逐前傳鱗鱗夕雲起獵獵晚一作曉

風道騰沙鬱黃霧翻浪揚白鷗登臚眺淮甸掩泣望

荆流絕目盡平原時見遠煙浮倏忽坐還合俄思甚

兼秋未嘗違戶庭安能千里遊誰令乏古節貽此越

鄉憂

還都至三山望石頭城

泉源安首流川末澄遠波晨光被水族曉氣歇林阿

兩江皎平迥三山鬱駢羅南帆望越嶠北榜指齊河

關局繞天邑襟帶抱尊華長城非壑嶮峻岵似荆芽

攢樓貫白日摘堞隱丹霞征夫喜觀國遊子遲見家

流連入京引躑躅望鄉歌。彌前歎景促逾近勸路多。  
偕萃猶如茲弘易將謂何。

還都口號

分壤蕃帝華。列正藹皇宮。禮讌及時暇。朝奏因歲通。  
維舟歇金景。結棹俟昌風。鉦歌首寒物。歸吹踐開冬。  
陰沈煙塞合。蕭瑟涼海空。馳霜急歸節。幽雲慘天容。  
旌鼓貫玄塗。羽鶴被長江。君王遲京國。遊子思鄉邦。  
恩世共渝洽。身願兩扳逢。勉哉河濟客。勤爾尺波功。

行京口至竹里

高歌危且竦。鋒石橫復仄。複澗隱松聲。重崖伏雲色。  
冰閉寒方壯。風動鳥傾翼。斯志逢凋嚴。孤遊值曠逼。  
兼塗無憩鞍。半菽不遑食。君子樹令名。細人效命力。  
不見長河水。清濁俱不息。

發後渚

江上氣早寒。仲秋始霜雪。從軍乏衣糧。方冬與家別。  
蕭條背鄉心。悽愴清渚發。涼埃晦平皋。飛潮隱修樾。  
孤光獨徘徊。空煙視昇滅。塗隨前峯遠。意逐後雲結。  
華志分馳年。韶顏慘驚節。推琴二起歎。聲爲君斷絕。

岐陽守風

差池玉繩高。掩藹瑤井沒。廣岸屯宿陰。懸巖棲歸月。  
役人喜先馳。軍令申早發。洲迴風正悲。江寒霧未歇。  
飛雲日東西。別鶴方楚越。塵衣孰揮灑。蓬思亂光髮。

發長松遇雪

土牛旣送寒。冥陸方泱馳。振風搖地局。封雪滿空枝。  
江渠合爲陸。天野浩無涯。飲泉凍馬骨。斲冰傷役疲。  
昆明豈不慘。黍谷甯可吹。

詠史

五都矜財雄。三川養聲利。百金不市死。明經有高位。



京城十二衢飛甍各鱗次任子影華纓游客竦輕轡  
明星晨未晞軒蓋已雲至賓御紛紛颯沓鞍馬光照地  
寒暑在一時所好生毛羽所惡成瘡疖勢利所  
在變態須臾故曰寒暑在一時繁華  
及春媚君平獨寂寞身世兩相棄勢氣

蜀四賢詠

司馬相如 嚴君平  
王褒 楊雄

渤渚水浴鳧春山玉抵鵲皇漢方盛明羣龍滿階閣  
君平因世閒得還守寂寞閉簾注道德開卦述天爵  
相如達生旨能屯復能躍陵令無人事毫墨時灑落  
衰氣有逸倫雅績信炳博如令聖納賢金璫易羈絡  
良遮神明遊豈伊覃思作玄經不期賞蟲篆憂散樂  
首路或參差投駕均遠託身表既非我生內任豐薄

擬古

魯客事楚王懷金襲丹素既荷主人恩又蒙令尹顧  
日宴罷朝歸鞍馬塞衢路宗黨生光輝賓僕遠傾慕

富貴人所欲道德亦何懼南國有儒生迷方獨淪誤

伐木清江湄設置守彘兔如氣勢○自傷不遇不魯客之宦成名遂

十五諷詩書篇翰靡不通弱冠參多士飛步游秦宮

側覩君子論預見古人風兩說窮舌端五車摧筆鋒

羞當白璧貶恥受聊城功晚節從世務乘障遠和戎

解佩襲犀渠卷裘奉盧弓始願力不及安知今所終

氣勢○前十句以舌端筆鋒跌宕自喜晚節四句僅以和戎見長悼本志之變化末二句言今之事已異

於昔之志則後之遇當又異於今之事矣

幽并重騎射少年好馳逐氈帶佩雙鞬象弧插雕服

獸肥春草短飛鞚越平陸朝遊雁門上暮還樓煩宿

石梁有餘勁驚雀無全目九年乃成公登虎圈之臺

而射之矢踰西霜山其餘力益勁猶斂羽於石梁帝

王世紀帝拜與吳賀射雀賀曰射其左目拜誤中右

目仰首而愧漢虜方未和邊城屢翻覆留我一白羽將以

分虎竹氣勢○志在立功邊郡

鑿井北陵隈。百丈不及泉。生事本瀾漫。何用獨精堅。  
幼壯重寸陰。衰暮及輕年。放駕息朝歌。提爵止中山。  
日夕登城隅。周迴視洛川。街衢積凍草。城郭宿寒煙。  
繁華悉何在。宮闕久崩填。空謗齊景非。徒稱夷叔賢。

勢氣

伊昔不治業。倦遊觀五都。海岱饒壯士。蒙泗多宿儒。  
結髮起躍馬。垂白對講書。呼我升上席。陳鱗發飄壺。  
管仲死已久。墓在西北隅。後面崔嵬者。桓公舊豕廬。  
君來誠既晚。不覩崇明初。玉琬徒見傳。交友義漸疏。  
束薪幽篁裏。刈黍寒澗陰。朔風傷我肌。號鳥驚我心。  
歲暮并賦訖。程課相追尋。田租送函谷。獸藁輸上林。  
河渭冰未開。關隴雪正深。笞擊官有罰。呵辱吏見侵。  
不謂乘軒意。伏櫪還至今。

河畔草未黃。胡鴈已矯翼。秋螢扶戶吟。寒婦成夜織。

去歲征人還流傳舊相識聞君上隴時東望久歎息

宿昔改衣帶朝日玉臺作旦暮異容色念此憂如何夜長

愁更多明鏡塵匣中瑤琴生網羅

蜀漢多奇山仰望與雲平陰崖積夏雪陽谷散秋榮

朝朝見雲歸夜夜聞猿鳴憂人本自悲孤客易傷情

臨堂設樽酒留酌思平生石以堅為性君勿輕素誠

紹古辭七首

橘生湘水側菲陋人莫傳逢君金華宴得在玉几前

三川窮名利京洛富妖妍恩榮難久恃隆寵易衰偏

觀席妾悽愴覩翰君泣然徒抱忠孝志猶為葑菲遷

昔與君別時蠶妾初獻絲何言年月駛寒衣已擣治

絳繡多廢亂篇帛久塵縑離心壯為劇飛念如懸旗

石席我不爽德音君勿欺

瑟瑟涼海風竦竦寒山木紛紛羈思盈慊慊夜絃促

訪言山海路千里歌別鵠絃絕空咨嗟形音誰賞錄  
辛苦異人狀美貌改如玉徒畜巧言鳥不解心款曲  
孤鴻散江嶼連翩遵渚飛含嘶衡桂浦馳顧河朔畿  
攢攢勁秋木昭昭淨冬暉窗前滌歡爵帳裏縫舞衣  
芳歲猶自可日夜望君歸

憑楹玩夜月迴眺出谷雲還山路已遠往海不及羣  
徘徊清淮汭顧慕廣江濱物情乖喜歇守操古難聞  
三越豐少姿容態傾動君

開黛靚容

一作朝

顏臨鏡訪遙塗君子事河源彌祀闕

還書春風掃地起飛塵生綺疏文往爲誰設羅帳空  
卷舒不怨身孤寂但念星隱隅

暖歲節物早萬萌迎春達春風夜嬾娟春霧朝暎靄  
軟蘭葉可采柔桑條易捋怨咽對風景悶瞽守閨闈  
天賦愁民命舍生但契闊憂來無行伍歷亂如覃葛

詩女子善懷亦各有行  
似爲明遠此句之所有本

學古

北風十二月雪下如亂巾實是愁苦節惆悵憶一作別

情親會得兩少妾同是洛陽人  
嬾綿好眉目閑麗美  
腰身凝盧皎若雪明淨色如神  
驕愛生盼矚馨媚起  
朱脣衿服雜緹績首飾亂瓊珍  
調絃俱起舞爲我唱  
梁塵人生貴得意懷願待君申  
幸值嚴冬暮幽夜方  
未晨齊衿久兩設角枕已雙陳  
願君早休息留歌待  
三春

古辭

容華不待年何爲客遊梁  
九月寒陰合悲風斷君腸  
歎息空房婦幽思坐自傷  
勞心結遠路惆悵獨未央

擬青青陵上柏

涓涓亂江泉綿綿橫海煙  
浮生旅昭世空事歎華年

書翰幸閒暇我酌子縈絃飛鑣出荆路鶩服指秦川  
渭濱富皇居鱗館匝河山輿童唱秉椒擢女歌采蓮  
孚愉鸞閣上窈窕鳳楹前娛生信非謬安用求多賢

學劉公幹體五首

欲宦乏王事結主遠恩私爲身不爲名散書徒滿帷  
連冰上冬月披雪拾園葵聖靈燭區外小臣良見遺  
曠曠寒野霧蒼蒼陰山柏樹迴霧縈集山寒野風急  
歲物盡淪傷孤貞爲誰立賴樹自能貞不計迹幽澗  
胡風吹朔雪千里度龍山集君瑤臺上飛舞兩楹前  
茲晨自爲美當遊豔陽天豔陽桃李節皎潔不成妍  
以朔雪自比其歲寒皎潔之性以桃李比側媚之子希世取寵者茲晨冬也豔陽天春也  
荷生淥泉中碧葉齊如規迴風蕩流霧珠水逐條垂  
彪炳此金塘藻耀君王池不愁世賞絕但畏盛明移

藝文作  
張華

白日正中時天下共明光北園有細草當晝正含霜  
衰榮頓如此何用獨芬芳抽琴爲爾歌絃斷不成章  
擬阮公夜中不能寐

漏分不能臥酌酒亂繁憂惠氣憑夜清素景緣隙流  
鳴鶴時一聞千里絕無傳佇立爲誰久寂寞空自愁

學陶彭澤體

奉和王  
義興

長憂非生意短願不須多但使尊酒滿朋舊數相過  
秋風七八月清露潤綺羅提瑟當戶坐歎息望天河  
保此無傾動甯復滯風波

白雲

探靈喜解骨測化善騰天情高不戀俗厭世樂尋仙  
鍊金宿明館屑玉止瑤淵鳳歌出林闕龍駕戾蓬山  
凌巖采三露攀鴻戲五煙昭昭景臨霞湯湯風媚泉  
命娥雙月際要媛兩星閒飛虹眺卷河汎霧弄輕絃



留聲謝廣賓神道不復傳一逐白雲去千齡猶未旋  
此亦輕舉遠遊之意

臨川王服竟還田里

送舊禮有終事君慚懦薄稅駕罷朝衣歸志願巢壑  
尋思邈無報退命愧天爵捨耨將十齡還得守場藿  
道經盈竹笥農書滿塵閣愴愴秋風生戚戚寒緯作  
豐霧粲草華高月麗雲崿屏跡勤躬稼衰疾倚芝藥  
顧此謝人羣豈直止商洛

行藥至城東橋

雞鳴闕吏起伐鼓早通晨嚴車臨迥陌延瞰歷城闈  
蔓草緣高隅修楊夾廣津迅風首日發平路塞飛塵  
擾擾遊宦子營營市井人懷金近從利撫劍遠辭親  
爭先萬里塗各事百年身開芳及穉節含采吝驚春  
二句以草喻人也吝惜也草始而開芳既而含彩尊  
草極茂則有驚春之象盛極則必衰故可惜也

賢永照灼孤賤長隱淪容華坐銷歇端爲誰苦辛

此詩

亦感春之屬前十四句言衆人爭名爭利  
擾擾不休末四句言容華銷歇不勝感歎

### 園中秋散

負疾固無豫晨衿悵已單氣交蓬門疏風數園草殘  
荒墟半晚色幽庭憐夕寒既悲月戶清復切夜蟲酸  
流枕商聲苦騷殺年志闌臨歌不知調發興誰與歡  
儻結絃上情豈孤林下彈

### 觀圃人藝植

善賈笑蠶漁巧宦賤農牧遠養遍關市深利窮海陸  
乘輅實金羈當墟信珠服居無逸身伎安得坐梁肉  
徒承屬生幸政緩吏平睦春畦及耘藝秋場早芟築  
澤閱既繁高山營又登熟抱鍤壠上餐結茅野中宿  
空識已尚淳甯知俗翻覆

### 遇銅山掘黃精

珍傲宋版印

土肪閩中經水芝韜內策籍一作寶餌緩童年命藥駐

衰歷矧蓄終古情重拾煙霧迹羊角棲斷雲榼口流

隘石銅谿晝森沈乳竇夜涓滴既類風門磴復像天

井壁蹠蹠寒葉離叢叢秋水積松色隨野深月露依

草白空守江海思豈懷梁鄭客得仁古無怨順道今

何惜

見賣玉器者並序

見賣玉器者或人欲買疑其是珉不肯成市

聊作此詩以戲買者

涇渭不可雜珉玉當早分子實舊楚客蒙俗謬前聞

安知理孚采豈識質明温我方歷上國從洛入函轅

揚光十貴室馳譽四豪門奇聲振朝邑高價服鄉村

甯能與爾曹瑜瑕稍辨論

懷楚人

哀樂生有端。離會起無因。去事難重念。恍惚似如神。  
屬期眇起遠。後遇邈無辰。馳風掃遙路。輕羅含夕塵。  
思君成首疾。欲息眉不伸。

夢歸鄉

玉臺作  
夢還詩

銜淚出郭門。撫劍無人達。沙風暗空玉臺作塞起離心。眷

鄉畿夜分。就孤枕。夢想暫言歸。孀婦當戶歎。繅絲外編

作搔首

復鳴機。慊款論久別。相將還綺闈。歷歷檐下涼。

朧朧帷裏暉。刈蘭爭芬芳。採菊競葳蕤。開奩奪香蘇。  
探袖解纓徽。夢中長路近。覺後大江違。驚起空歎息。  
恍惚神魂飛。白水漫浩浩。高山壯巍巍。波瀾異往復。  
風霜改榮衰。此土非吾土。慷慨當告誰。

春羈

征人歎道遐。去鄉悞路邇。佳期每無從。淮陽非尺咫。  
春日起遊心。勞情出徙倚。岫遠雲煙綿。谷屈泉靡迤。

風起花四散露濃條

缺

暄妍正在茲摧抑多嗟思

嘶聲名

一作  
召

邊堅豈我箱中紙染翰餉君琴新聲憶

解子

### 歲暮悲

霜露迭濡潤草木互榮落日夜改運周今悲復如昨  
晝色苦沈陰白雪夜迴薄皎潔冒霜雁飄揚出風鶴  
天寒多顏苦妍容逐丹壑絲罽千里心獨宿乏然諾  
歲暮美人還寒壺與誰酌

### 在江陵數年傷老

五難未易夷三命戒淵抱方瞳起松髓頽髮疑桂腦  
役生良自休大患安足保開簾窺景夕備屬雲物好  
翽翽燕弄風媚媚柳垂道池瀆亂蘋萍園援美花草  
節如驚灰異零落就衰老

### 夜聽妓

原二首次首七  
言四句末錄

夜來坐幾時銀漢傾露落澄滄入閨景歲華被園藿  
絲管感暮情哀音遶梁作芳盛不可恆及歲共為樂  
天明坐當散琴酒駛絃酌

翫月城西門廨中

始出西南樓纖纖如玉鉤未映東北墀娟娟似娥眉  
娥眉蔽珠權王鉤隔鎖窗三五二八時千里與君同  
夜移衡漢落徘徊帷戶玉臺作幌中歸華先委露別葉早  
辭風客遊厭苦辛仕子倦飄塵休澣自公日宴慰及  
私辰選注方言曰慰居也蜀琴抽白雪郢曲發玉臺作繞陽春肴乾  
酒未闕金壺啓夕淪迴軒駐輕蓋留酌待情人

喜雨奉敕

營社達羣陰屯雲藝文作連宮揜積陽河井起龍蒸日魄

斂游光簇雲飛泉室震風沈羽鄉升霧浹地維傾潤  
瀉天潢平灑周海嶽曲潦溢川莊驚雷鳴桂渚迴涓

流玉堂珍木抽翠條。炎卉擢朱芳。闕市欣九賦。京廩  
開萬箱。無謝堯爲君。何用知柏皇。

苦雨

連陰積澆灌滂沱。下霖亂沈雲。日夕昏驟雨。淫朝日  
蹊瀆。走獸稀。林寒鳥歸晏。密霧冥下溪。聚雲屯高岸。  
野雀無所依。羣雞聚空館。川梁日已廣。懷人邈渺漫。  
徒酌相思酒。空急促明彈。

詠白雪

白珪誠自白。不如雪光妍。工隨物動氣。能逐勢方圓。  
無妨玉顏媚。不奪素繒鮮。投心障苦節。隱迹避榮年。  
蘭焚石旣斷。何用恃芳堅。

三日

氣暄動思心。柳青起春懷。時豔憐花藥。服淨俛登臺。  
提壺野中飲。愛心煙未開。露色染春草。泉源潔冰苔。

泥泥濡露條。嫋嫋承風栽。鳧雛掇苦薺。黃鳥銜櫻梅。  
解衿欣景預。臨流競覆杯。美人竟何在。浮心空自摧。  
詠秋  
秋蘭徒晚綠。流風漸不親。飄我垂罽幕。驚此梁上塵。  
沈陰安可久。豐景將遂淪。何由忽靈化。暫見別離人。  
秋夕  
慮涕擁心用。夜默發思機。幽閨溢涼吹。閒庭滿清暉。  
紫蘭花已歇。青梧葉方稀。江上淒海戾。漢曲驚朔霏。  
髮斑悟壯晚。物謝知歲微。臨宵嗟獨對。撫賞怨情違。  
躊躇空明月。惆悵徒深帷。

秋夜二首

夜久膏旣竭。啓明日未央。環情倦始復。空閨起晨裝。  
幸承天光轉。曲影入幽堂。徘徊集通隙。宛轉燭迴梁。  
帷風自卷舒。簾露視成行。歲役急窮晏。生慮備溫涼。



絲紈夙染濯綿綿。夜裁張冬雪。日夕至公子。乏衣裳。  
華心愛零落。非直惜容光。願君翦衆志。且共覆前觴。  
遁跡避紛喧。貨農棲寂寞。荒徑馳野鼠。空庭聚山雀。  
旣遠人世歡。還賴泉卉樂。折柳樊場圃。貞綆汲潭壑。  
霽日見雲峯。風夜聞海鶴。江介早寒來。白露先秋落。  
麻壘方結葉。瓜田已掃籜。傾暉忽西下。迴景思華幕。  
攀蘿席中軒。臨觴不能酌。終古自多恨。幽悲共淪鑠。

和王護軍秋夕

散漫秋雲遠。蕭蕭霜月寒。驚飈西北起。孤鴈夜往還。  
開軒當戶牖。取琴試一彈。停歌不能和。終曲久辛酸。  
金氣方勁殺。隆陽微且單。泉涸甘井竭。節徙芳歲殘。  
生事各多少。誰共知易難。投章心蘊結。千里途輕紈。  
願託孤老暇。觴思暫開餐。

和王義興七夕

宵月向掩扉。夜霧方當白。寒機思孀婦。秋堂泣征客。  
匹命無單年。偶影有雙夕。暫交金石心。須臾雲雨隔。

冬至

舟遷莊甚笑。水流孔急歎。景移風度改。日至晷迴換。  
眇眇負霜鶴。皎皎帶雲雁。長河結瓌玕。層冰如玉岸。  
哀哀古老容。慘顏愁歲晏。催促時節過。逼迫聚離散。  
美人還未央。鳴箏誰與彈。

冬日

巖風亂山起。白日欲還次。曛霧蔽窮天。夕陰晦寒地。  
煙霾有氛氲。精光無明異。風急野田空。飢禽稍相棄。  
含生共通閉。懷賢敦爲利。天窺苟平圓。甯得已偏媚。  
瀉海有歸潮。衰容不還穉。君今且安歌。無念老方至。

望水

刷鬢垂秋日。登高觀水長。千澗無別源。萬壑共一廣。

流駛巨石轉湍迴。急沫上蒼蒼。嶺岸高照照。寒洲爽  
東歸難忖測。日逝誰與賞。臨川憶古事。目屨千載想。  
河伯自矜大。海若沈渺莽。

望孤石

江南多暖谷。雜樹茂寒峯。朱華抱白雪。陽條熙朔風。  
蚌節流綺藻。輝石亂煙虹。泄雲去無極。馳波往不窮。  
嘯歌清漏畢。徘徊朝景終。浮生會當幾。歡酌每盈衷。

山行見孤桐

桐生藂石裏。根孤地寒陰。上倚崩岸勢。下帶洞阿深。  
奔泉冬激射。霧雨夏霖霖。未霜葉已肅。不風條自吟。  
昏明積苦思。晝夜叫哀禽。棄妾望掩淚。逐臣對撫心。  
雖以慰單危。悲涼不可任。幸願見雕斲。爲君堂上琴。

詠雙燕二首

雙燕戲雲崖。羽翰始差池。出入南閨裏。經過北堂陴。

意欲巢君幕。層楹不可窺。沈吟芳歲晚。徘徊韶景移。  
悲歌辭舊愛。銜淚覓新知。

可憐雲中燕。日去暮來歸。自知羽翅弱。不與鶻爭飛。

寄聲謝飛鶻。往事子毛衣。瑣心誠貧薄。叵吝節榮衰。

陰山饒苦霧。危節多勁威。豈但避霜雪。當傲野人機。

文選尚有一首五言 王昭君 樂府詩集尚有梅

花落一首五言 吳歌三首五言 淮南王一首五言 長句 採菱歌 七首五言 四句

句 淮南王一首五言 長句 採菱歌 七首五言 四句

言四句 雉朝飛 操一首三言 七句 幽蘭行 一首五

言四句 雉朝飛 操一首三言 七句 幽蘭行 一首五

言四句 雉朝飛 操一首三言 七句 幽蘭行 一首五

言四句 雉朝飛 操一首三言 七句 幽蘭行 一首五

言四句 雉朝飛 操一首三言 七句 幽蘭行 一首五

### 謝元暉五古一百十八首

隋王鼓吹曲十首 齊永明八年謝朓奉鎮西隋

上三曲頌帝功校獵 以上三曲頌藩德

### 元會曲

二儀啓昌歷三陽應慶期珪瓊紛成序鞞譯憬來思  
分階施組練充庭羅翠旗觴流白日下吹溢景雲滋  
天儀穆藻殿萬寓壽皇基

郊祀曲

六宗禋配岳五時奠甘泉整蹕遊九闕清簫開八埏  
鏘鏘玉鑿動溶溶金障旋郊宮光已屬升柴禮旣虔  
福響靈之集南嶽固斯年

鈞天曲

高宴顓天臺置酒迎風觀笙鏞禮百神鐘石動雲漢  
瑤堂琴瑟驚綺席舞衣散威鳳來參差玄鶴起凌亂  
已慶明庭樂詎慚南風彈

入朝曲

江南佳麗地金陵帝王州逶迤帶綠水迢遞起朱樓  
飛甍夾馳道垂楊蔭御溝凝笳翼高蓋疊鼓送華輶

獻納雲臺表功名良可收

出藩曲

雲枝紫微內分組承明阿飛隄  
邈極浦旌節出關河  
渺渺蒼山色沈沈寒水波  
饒音巴渝曲簫鼓盛唐歌  
夫君邁惟德江漢仰清和

校獵曲

凝霜冬十月殺盛涼  
颯哀原澤曠千里騰騎紛往來  
平置望煙合烈火從風迴  
殪獸華容浦張樂荆山臺  
虞人昔有諭明明時戒哉

從戎曲

選旅辭轅軒弭節赴河源  
日起霜戈照風迴連騎翻  
紅塵朝夜合黃沙萬里昏  
寥戾清笳轉蕭條邊馬煩  
自勉輟耕願征役去何言

送遠曲

北梁辭歡宴南浦送佳人方衢控龍馬平路騁朱輪  
瓊筵妙舞絕桂席羽觴陳白雲邱陵遠山川時未因  
一爲清吹激潺湲傷別巾

登山曲

天明開秀嶽瀾光媚碧隄風盪飄鶯亂雲行芳樹低  
暮春春服美遊駕凌丹梯升嶠旣小魯登巒且悵齊  
王孫尚遊衍蕙草正萋萋

泛水曲

玉露霑翠葉金風鳴素枝罷遊平樂苑泛鷁昆明池  
旌旗散容裔簫管吹參差日晚厭遵渚採菱贈清漪  
百年如流水寸心甯共知

江上曲

易陽春草出踟躕日已暮蓮葉尚田田淇水不可渡  
願子淹桂舟時同千里路千里旣相許桂舟復容與

江上可採菱。清歌共南楚。

蒲生行

蒲生廣湖邊。託身洪波側。春露惠我澤。秋霜縛我色。  
根葉從風浪。常恐不永植。攝生各有命。豈云智與力。  
安得遊雲上。與爾同羽翼。

詠邯鄲才人嫁為廝養卒婦

生平宮閣裏。出入侍丹墀。開笥方羅縠。窺鏡比蛾眉。  
初別意未解。去久日生悲。憔悴不自識。嬌羞餘故姿。  
夢中忽彷彿。猶言承燕私。

鼓吹曲二首同沈右率諸公賦

芳樹樂府解題曰古詞中有妒人之子愁殺人君有他心樂不可禁若齊王融謝朓

之作但言時暮衆芳歇絕而已

早翫華池陰。復影

一作

滄洲榭。椅栳芳若斯。葳蕤紛

可結。霜下桂枝銷。怨與飛蓬折。不願玉盤滋。誰憐終



委絕

臨高臺

千里常思歸。登臺臨綺翼。纔見孤鳥還。未辨連山極。四面動清風。朝衣起寒色。誰知倦遊者。嗟此故鄉憶。

同賦雜曲名

時為宣城守檀秀才江朝詩陶功曹朱孝廉同賦

秋竹曲

嫵媚綺窗北。結根未參差。從風既裊裊。映日頗離離。欲求棗下吹。問有江南枝。但能凌白雪。貞心蔭曲池。

曲池水

緩步遵莓渚。披衿待蕙風。芙蓉舞輕帶。苞筍出芳叢。浮雲自西北。江海思無窮。鳥去能傳響。見我綠琴中。

銅雀臺同謝諮議賦

諮議名璟○樂府詩集題曰銅雀妓

總帷飄井幹。樽酒若平生。鬱鬱西陵樹。詎聞歌吹聲。芳襟染淚迹。嬋娟空復情。玉座猶寂寞。況乃妾身輕。

遊山

託養因支離。乘閒遂疲蹇。語默良未尋。得喪云誰辯。  
幸涖山水都。復值清冬緬。凌巖必千仞。尋壑將萬轉。  
堅崿旣峻嶒。迴流復宛澶。杳杳雲竇深。淵淵石溜淺。  
旁眺鬱篔簹。還望森柗榭。荒隩被箴莎。崩壁帶苔蘚。  
鼯狖叫層岵。鷗鳧戲沙衍。觸賞聊自觀。卽趣咸已展。  
經目惜所遇。前路欣方踐。無言蕙草歇。留垣芳可搴。  
尚子時未歸。邴生思自免。永志昔所欽。勝迹今能選。  
寄言賞心客。得性良爲善。

遊敬亭山

茲山互百里。合沓與雲齊。隱淪旣已託。靈異居然棲。  
上干蔽白日。下屬帶迴谿。交藤荒且蔓。樛枝聳復低。  
獨鶴方朝唳。飢鼯此夜號。溟雲已漫漫。夕雨亦淒淒。

我行雖紆阻兼得尋幽蹊綠源殊未極歸徑窅如迷  
要欲追奇趣卽此凌丹梯皇恩竟已矣茲理庶無睽  
律工

將遊湘水尋句溪

既從陵陽釣挂鱗驂赤螭方尋桂水源謁帝蒼山垂  
辰哉且未會乘景弄清漪瑟汨瀉長淀潺湲赴兩岐  
輕蘋上靡靡雜石下離離寒草分花映戲鮪乘空移  
興以暮秋月清霜落素枝魚鳥余方翫纓綉君自縻  
及茲暢懷抱山川長若斯

遊東田

朐有莊在鍾山東遊還作

戚戚苦無悰攜手共行樂尋雲陟累榭隨山望菌閣  
遠樹曖阡阡生煙紛漠漠魚戲新荷動鳥散餘花落  
不對芳春酒還望青山郭

答王世子

飛雪天上來。飄聚繩樞外。蒼雲暗九重。北風吹萬籟。  
有酒招親朋。思與清顏會。熊席惟爾安。羔裘豈吾帶。  
公子不垂堂。誰肯憐蕭艾。

答張齊興

荆山從百里。漢廣流無極。北馳星斗正。南望朝雲色。  
川隰同幽快。冠冕異今昔。子肅兩岐功。我滯三冬職。  
誰知京洛念。彷彿昆山側。向夕登城壕。潛地隱復直。  
地迥聞遙蟬。天長望歸翼。清文忽景麗。思泉紛寶飾。  
勿言修路阻。勉子康衢力。曾厓寂且寥。歸軫逝言陟。

暫使下都夜發新林至京邑贈西府同僚

書曰謝朓為隋王子隆文學子隆在荊州好  
辭賦數集僚友朓以才文尤被賞愛長史王  
秀之以朓年少相動密以啓聞世祖  
救朓可還都朓道中為詩以寄西府

大江流日夜。客心悲未央。徒念關山近。終知返路長。  
秋河曙耿耿。寒渚夜蒼蒼。引領見京室。宮雉正相望。

金波麗鵝鵲玉繩低建章驅車鼎門外思見昭邱陽

成王定鼎於郊鄘其南門名定鼎門此借用以指建康之南門昭邱指荊州馳暉不可接

何況隔兩鄉風雲有鳥路江漢限無梁常恐鷹隼擊

時菊委嚴霜寄言爵羅者寥廓已高翔情韻

酬晉安王德元晉安郡太康三年置即今之泉州也

稍稍枝早勁塗塗露晚晞南中榮橘柚甯知鴻雁飛

拂霧朝青閣日旰坐彤闈悵望一途阻參差百慮依

春草秋更綠公子未西歸誰能久京洛緇塵染素衣

郡內高齋閒望答呂法曹郡宣城郡也呂僧珍為齊王法曹

結構何迢遞曠望極高深窗中列遠岫庭際俯喬林

日出衆鳥散山暝孤猿吟已有池上酌復此風中琴

非君美無度孰為勞寸心惠而能好我問以瑤華音

若遺金門步見就玉山岑工律○若字有儻能之意

在郡臥病呈沈尚書

淮陽股肱守。高臥猶在茲。况復南山曲。何異幽棲時。  
連陰盛農節。臺笠聚東菑。高閣常晝掩。荒堦少諍辭。  
珍簟清夏室。輕扇動涼颺。嘉魴聊可薦。綠蟻方獨持。  
夏李沈朱實。秋藕折輕絲。良辰竟何許。夙昔夢佳期。  
坐嘯徒可積。為邦歲已暮。絃歌終莫取。撫枕令自嗤。

律工

別王丞僧孺古文苑作王融

首夏猶清和。餘春滿郊甸。花樹雜為錦。月池皎如練。  
如何當此時。別離言與宴。留襟已鬱紆。行舟亦遙衍。  
非君不見思。所悲思不見。律工

同羈夜集

積念隔炎涼。驥言始今夕。已對濁尊酒。復此故鄉客。  
霜月始流砌。寒蛩早吟隙。幸藉京華遊。邊城讌良席。  
樵采咸共同。荆莎聊可藉。恐君城闕人。安能久松柏。

新亭渚別范零陵雲

洞庭張樂地。瀟湘帝子遊。雲去蒼梧野。水還江漢流。

洞庭瀟湘皆范赴零陵之水必須由江漢金陵以東入

於海故還停驂我悵望。輟棹子夷猶。廣平聽方籍。茂陵

將見求。言范同廣平而聲聽方向籍已當居茂陵之

為中郎散騎常侍會廣平太守缺宣帝謂袁曰賢叔

大匠渾垂稱於平陽魏郡蒙化且盧子家王子邕繼

踵此郡欲使世不乏賢故復相屈在郡先以德化善

馬相如既病免家居茂陵心事俱已矣。江上徒離憂。情韻

忝役湘州與宣城吏民別

弱齡倦簪履。薄晚忝華奧。閒沃盡地區。山泉諧所好。

幸遇昌化穆。淳俗罕驚暴。四時從偃息。三省無侵冒。

下車遽暄席。暄席即暖席也後世所紆服始黔竈。榮

辱未遑敷。德禮何由導。汨徂奉南岳。兼秋典邦號。疲

馬方云驅。鉛刀安可操。遺惠良寂寞。恩靈亦匪報。桂

水日悠悠結言幸相勞吐納貽爾和窮通勗所蹈

懷故人

芳洲有杜若。可以贈佳期。望望忽超遠。何由見所思。  
行行未千里。山川已闕之。離居方歲月。故人不在茲。  
清風動簾夜。孤月照窗時。安得同攜手。酌酒賦新詩。

始之宣城郡

下帷闕章句。高談媿名理。疏散謝公卿。蕭條依掾史。  
簪髮逢嘉會。教義承君子。心迹苦未并。憂歡將十祀。  
幸沾雲雨慶。方轡參多士。振鷺徒追飛。羣龍難隸齒。  
烹鮮止貪競。共治屬廉恥。伊余味損益。何用祇千里。  
解劍北宮朝。息駕南川涘。甯希廣平詠。聊慕華陰市。  
棄置宛洛遊。多謝金門裏。招招漾輕楫。行行趨巖趾。  
江海雖未從。山林於此始。

之宣城郡出新林浦向板橋



江路西南永。歸流東北驚。天際識歸舟。雲中辨江樹。  
旅思倦搖搖。孤遊昔已屢。旣歡懷祿情。復協滄洲趣。  
囂塵自茲隔。賞心於此遇。雖無玄豹姿。終隱南山霧。  
韻情

休沐重還丹陽道中

薄遊第從告。思閒願罷歸。還邛歌賦似。休汝車騎非。  
灞池不可別。伊川難重違。汀葭稍靡靡。江菼復依依。  
田鵠遠相叫。沙鶻忽爭飛。雲端楚山見。林表吳岫微。  
試與征徒望。鄉淚盡沾衣。賴此盈樽酒。含景望芳菲。  
問我勞何事。沾沐仰清徽。志狹輕軒冕。恩甚戀閨闈。  
歲華春有酒。初服偃郊扉。

京路夜發

擾擾整夜裝。蕭蕭戒徂兩。曉星正寥落。晨光復漾漾。  
漉漉猶沾餘露團。稍見朝霞上。故鄉邈已負。山川修且廣。

文奏方盈前懷人去心賞救躬每踟躑瞻恩惟震蕩  
行矣倦路長無由稅歸鞅

晚登三山還望京邑

灞浹望長安河陽視京縣

以灞陵河陽比三山以白長安洛陽比石頭城

日麗飛蕤參差皆可見餘霞散成綺澄江靜如練喧

鳥覆春洲雜英滿芳甸去矣方滯淫懷哉罷歡宴佳

期悵何許淚下如流霰有情知望鄉誰能翼不變情韻

始出尚書省

眺兼尚書殿中郎高宗輔政以眺為諮議領記室故出尚書省也

惟昔逢休明十載朝雲陛既通金閨籍復酌瓊筵醴

宸景厭昭臨昏風淪繼體紛虹亂朝日濁河穢清濟

防口猶寬政餐荼更如薺英袞暢人謀文明固天啓

青精翼紫軼黃旗映朱邸還覩司隸章復見東都禮

中區咸已泰輕生諒昭洒

音趨事辭宮闕載筆陪旌

榮邑里向疏蕪寒流自清泚衰柳尚沈沈凝露方泥

泥零落悲友朋歡娛燕兄弟既秉丹石心甯流素絲

涕因此得蕭散垂竿深澗底逢休明謂齊武帝時也

體句指鬱林王昭業也英袞二句謂明帝廢鬱林王

海陵王而即位也明帝即高宗也輕生似跳自稱之

辭猶自稱微生小生也辭宮闕出尚

### 直中書省

紫殿肅陰陰彤庭赫弘敞風動萬年枝日華承露掌

玲瓏結綺錢深沈映朱網紅藥當階翻蒼苔依砌上

茲言翔鳳池鳴珮多清響信美非吾室中園思偃仰

朋情以鬱陶春物方駘蕩安得凌風翰聊恣山泉賞

工律

### 觀朝雨

朔風吹飛雨蕭條江上來既灑百常觀復集九成臺

空濛如薄霧散漫似輕埃平明振衣坐重門猶未開

耳目暫無擾懷古信悠哉戢翼希驥首乘流畏曝鯁

動息無兼遂歧路多徘徊方同戰勝者去翦北山萊

識度

宣城郡內登望

借問下車日匪直望舒圓寒城一以眺平楚正蒼然  
山積陵陽阻溪流春穀泉威紆距遙甸巉岳帶遠天  
切切陰風暮桑柘起寒煙悵望心已極愴况魂屢遷  
結髮倦為旅平生早事邊誰規鼎食盛甯要狐白鮮

方棄汝南諾言稅遼東田

識度○續漢書曰汝南太守南陽宗資任用范滂時

人謠曰汝南太守范孟博南陽宗資主畫諾魏志曰  
管甯聞公孫度令行海外遂至遼東皇甫謐高士傳  
曰人或牛暴甯田者甯  
為牽牛飼之其人太慙

冬日晚郡事隙

案牘時閒暇偶坐觀卉木颯颯滿池荷條條蔭窗竹  
檐隙自周流房櫳閒且肅蒼翠望寒山崢嶸瞰平陸  
已惕暮歸心復傷千里日風霜旦夕甚蕙草無芬馥

一云誰美笙簧孰是厭蘊軸願言稅逸駕臨潭餌秋菊  
高齋視事

餘雪映青山寒霧開白日曖曖江村見離離海樹出  
披衣就清盥憑軒方秉筆列俎歸單味連駕止容膝  
空爲大國憂紛詭諒非一安得掃荒徑鎖吾愁與疾  
冬緒羈懷示蕭諮議虞田曹劉江二常侍

去國懷邱園入遠滯城闕寒燈耿宵夢清鏡悲曉髮  
風草不留霜冰池共如月寂寞此閒帷琴尊任所對  
客念坐嬋媛年華稍菴夔夙慕雲澤遊共奉荆臺績  
一聽春鶯喧再視秋鴻沒疲驂良易返恩波不可越  
誰慕臨淄鼎常希茂陵渴依隱幸自從求心果蕪昧  
方軫歸與願故山芝未歇

落日悵望

昧日多紛喧日宴未遑舍落日餘清陰高枕東窗下

寒槐漸如束秋菊行當把借問此何時涼風懷朔馬  
已傷歸慕客復思離居者情嗜幸非多案牘偏為寡  
既乏琅琊政方憩洛陽社

賽敬亭山廟喜雨

夕悵懷椒糝蠲景潔管籥登秋雖未獻望歲佇年祥  
潭淵深可厲狹邪車未方朦朧度絕限出沒見林堂  
秉玉朝羣帝樽桂迎東皇排雲接虬蓋蔽日下霓裳  
會舞紛瑤席安歌遶鳳梁百昧芬綺帳四座沾羽觴  
福被延民澤樂極思故鄉登山騁歸望原雨晦茫茫  
胡甯昧千里解珮拂山莊

賦貧民田

假遇一作佳譽非將迎靖共一作靜拱延殊慶中歲歷三臺旬

月典邦政曾是共治情敢忘卹貧病將無富教禮孰  
有知方性敦本抑工商均業省兼併察壤見泉脈覘

星視農正。黍稷緣高殖。穠一作稔。稔一作稔。即卑盛舊埒。新勝  
分青苗白水映。遙樹匝清陰。連山周遠淨。卽此風雲  
佳。孤觴聊可命。旣微三載道。庶藉兩歧詠。俾爾倉廩  
實。余從谷口鄭。

移病還園示親屬

疲策倦人世。斂性就幽蓬。停琴佇涼月。滅燭聽歸鴻。  
涼薰乘暮晰。秋華臨夜空。葉低知露密。巖斷識雲重。  
折荷葺寒袂。開鏡眇衰容。海暮騰清氣。河關祕棲沖。  
煙衡時未歇。芝蘭去相從。工律

治宅

結宇夕陰街。荒幽橫九曲。迢遞南川陽。迤邐西山足。  
闕館臨秋風。敞窗望寒旭。風碎池中荷。霜翦江南菽。  
旣無東都金。且稅東臯粟。

秋夜講解

四緣去誰肇。七識習未央。沈沈倒營魄。苦蔭蹙愁腸。  
琴瑟徒爛漫。媵容空滿堂。春顏遽幾日。秋壘終茫茫。  
孰云濟沈溺。假願託津梁。惠唱摘泉湧。妙演發金相。  
空有定無執。賓實固相忘。自來乘首夏。及此申暮霜。  
雲物清晨景。衣巾引夕涼。風振蕉蓬裂。霜下梧楸傷。  
一作露下梧桐傷。六龍且無借。三相甯久長。何時接靈應。及  
子同舟航。

春思

茹谿發春水。阡山起朝日。蘭色望已同。萍際轉如一。  
巢燕聲上下。黃鳥弄儔匹。邊郊阻遊衍。故人盈契闊。  
夢寐借假簧。思歸賴倚瑟。幽念漸鬱陶。山楹永爲室。

秋夜

秋夜促織鳴。南鄰搗衣急。思君隔九重。夜夜空佇立。  
北窗輕幔垂。西戶月光入。何知白露下。坐視階前溼。



誰能長分居。秋盡冬復及。

和何議曹郊遊二首

春心澹容與。挾戈步中林。朝光映紅萼。微風吹好音。

江垂得清賞。

江垂猶云江邊

山際果幽尋。未嘗遠離別。知此

愜歸心。流沂終靡已。嗟行方至今。

江臯倦遊客。薄暮懷歸者。揚舫浮大川。悵望至日下。  
羸靡青莎被。潺湲石流瀉。寄語持笙簧。舒憂願自假。  
歸途豈難涉。翻同江上夏。

和劉西曹望海臺

滄波不可望。望極與天平。往往孤山映。處處春雲生。  
差池遠雁沒。颯沓羣鳥驚。囂塵及簿領。棄捨出重城。  
臨川徒可羨。結網庶時營。

和宋記室省中

落日飛鳥遠。憂來不可及。竹樹澄遠陰。雲霞成異色。

懷歸欲乘電。瞻言思解翼。清揚婉禁居。祕此文墨職。無歎阻琴尊。相從伊水側。

和王著作融八公山

二別阻漢坻。雙嶠望河澳。茲嶺復嶢岉。分區奠淮服。東限瑯琊臺。西距孟諸陸。阡眠起雜樹。檀欒蔭修竹。日隱瀾疑空。雲聚岫如複。出沒眺棲雉。遠近送春日。戎州昔亂華。素景淪伊穀。陸危賴宗袞。微管寄明牧。長蛇固能翦。奔鯨自此曝。道峻芳塵流。業遙年運倏。平生仰令圖。吁嗟命不淑。浩蕩別親知。連翩戒征軸。再遠館娃宮。兩去河陽谷。風煙四時犯。霜雨朝夜沐。春秀良已凋。秋場庶能築。州工律○周禮曰孟諸亦在八公山之東而云西者避上庭宗袞指謝安明牧指謝玄春淪者謂懷愍陷於賊庭宗袞指謝安明牧指謝玄春秀句謂年華已逝秋場句謂終當歸田

和伏武昌登孫權故城

伏曼容為武昌太守

炎靈遺劍璽當塗駭龍戰聖期缺中壤霸功興寓縣  
鵲起登吳山鳳翔凌楚甸衿帶窮巖險帷帟盡謀選

北拒溺驂鑣謂周瑜破曹操於赤壁西龕收組練謂陸遜破劉備於西陵

江海既無波俯仰流英眇裘冕類禋郊卜揆崇離殿

卜揆用詩卜云其吉揆之釣臺臨講閣樊山開廣讌

以日指吳相宅於武昌也文物共歲蕤聲明且蔥蒨三光厭分景書軌欲同薦

參差世祀忽寂寞市朝變舞館識餘基歌梁想遺轉

故林衰木平荒池秋草徧雄圖悵若茲茂宰深遐睠

指伏曼容幽客滯江皋眺自謂也從賞乖纓弁清扈阻獻酬良

書限聞見幸藉芳音多承風采餘絢于役儻有期鄂

渚同遊衍工律

夏始和劉孱陵

威仰弛蒼郊龍曜表皇隰春色卷遙甸炎光麗近邑

白蘋望已騁細荷紛可襲徒願尺波旋終憐寸景載

對窗斜日過。洞蟻鮮。飄入浮雲去。欲窮暮鳥飛相及。  
柔翰續芳塵。清源非易揖。迴江難絕濟。云誰暢佇立。  
良宰曷夜漁。出入事朝汲。積羽余旣裳。更賦子盈粒。  
椅梧何必零。歸來共棲集。

新治北窗和何從事

國少暇日多。民淳紛務屏。闕牖期清曠。開簾候風景。  
泱泱日照溪。團團雲去嶺。峇嶢蘭橈峻。駢闐石路整。  
池北樹如浮。竹外山猶影。自來彌致望。及君臨箕頴。  
清文蔚且詠。微言超已領。不見城濠側。思君朝夕頃。  
迴舟方在辰。何以慰延頸。

和王主簿季哲怨情

掖庭聘絕國。長門失歡宴。相逢詠靡蕪。辭寵悲團扇。  
花叢亂數蝶。風簾入雙燕。徒使春帶賒。坐惜紅妝變。  
生平一顧重。宿昔千金賤。故人心尚爾。故人心不見。

和徐都曹出新亭渚

徐名勉

宛洛佳遊。春色滿皇州。結軫清郊路。迴瞰蒼江流。  
日華川上動。風光草際浮。桃李成蹊徑。桑榆蔭道周。  
東都已倣載言歸。望綠疇。律工

和劉中書

劉名繪。有入琵琶。吹望積布磯詩。

昔余侍君子。歷此遊荆漢。山川隔舊賞。朋僚多雨散。  
圖南矯風翮。曾非息短翰。移疾觀新篇。披衣起淵翫。  
惆悵懷昔踐。彷彿得殊觀。蘋紫共彬駁。雲錦相凌亂。  
奔星上未窮。驚雷下將半。迴潮瀆崩樹。輪囷軋傾岸。  
巖篠或傍翻。石筍無脩幹。澄澄明浦媚。衍衍清風爛。  
江潭良在目。懷賢興累歎。歲暮不我期。淹留絕巖畔。

贈王主簿二首

日落窗中坐。紅妝好顏色。舞衣襞未縫。流黃覆不織。  
蜻蛉草際飛。遊蜂花上食。一遇長相思。願寄連翩翼。

清吹要碧玉調絃命綠珠輕歌急綺帶含笑解羅襦  
餘曲詎幾許高駕且踟躕徘徊韶景暮一作憐惟有

洛城隅

和蕭中庶直石頭

蕭衍梁武帝也

九河互積岨三巖鬱旁眺皇州總地德迴江款巖微  
井榦絕蒼林雲蔓蔽層嶠川霞日上薄山光晚餘照  
翔集亂歸燕虹蜺紛引曜君子奉神略瞰迴憑重峭  
彈冠已藉甚升車益英妙功存漢冊書榮竝周庭燎  
汲疾移偃息董園倚談笑麾旆一悠悠謙姿光且劭  
讌嘉多暇日興文起淵調曰余廁鱗羽滅景從漁釣  
澤渥資投分逢迎典待詔詠沼邈含毫專城空坐嘯  
徒慚皇覽揆終延曲士諂方追隱淪訣偶解金丹要  
若偶巫咸招帝閭良可叫

奉和竟陵王同沈右率過劉先生墓

竟陵王蕭子良也劉

先生劉  
巖也

嘉樹因枝條琢玉良可寶若人陵曲臺垂帷茂淵道  
善誘宗學原鳴鐘霽幽抱仁風沮宛洛清徽夜何早  
歲晚結松陰平原亂秋草不有至言揚終滯西山老

和王長史臥病

王名秀之

岬岫款崇崖派別朝洪河兔園文雅盛章臺冠蓋多  
淵襟眷睿岳燮贊動吐歌顧影慚駢服載筆旅江沱  
縞衣分可獻琴言曖已和青皋向還色春潤視生波  
巖垂變好鳥垂猶際也松上改陳蘿日與歲眇邈歸恨積  
一作蹉跎願緝吳山杜甯袂楚池荷清風豈孤劭功  
遂懷曾阿勿藥良有暢荏苒芳未過幸留清樽味言  
藉故田莎

和江丞北戍琅邪城

江丞名孝嗣

春城麗白日阿閣跨層樓蒼江忽渺渺驅馬復悠悠

京洛多塵霧。淮濟未安流。豈不思撫劍。惜哉無輕舟。  
夫君良自勉。歲暮勿淹留。

和沈祭酒行園沈約

清淮左長薄。荒徑隱高蓬。回潮日夕上。寒渠左右通。  
霜畦紛綺錯。秋町鬱蒙茸。環梨懸已紫。珠榴折且紅。  
君有棲心地。伊我歡旣同。何用甘泉側。玉樹望青葱。

奉和隋王殿下十六首

隋郡王蕭子隆

玄冬寂脩夜。天圍靜且開。亭皋霜氣愴。松宇清風來。  
高琴時以思。幽人多感懷。幸藉汾陽想。嶺首正徘徊。  
高秋夜方靜。神居肅且深。閒階塗廣路。涼宇澄月陰。  
嬋娟影池竹。疏蕪散風林。淵情協爽節。詠言興德音。  
闔道空已積。千直愧蓬心。

愴愴緒風興。祁祁族雲布。嚴氣集高軒。稠陰結寒樹。  
日月謬論思。朝夕承清豫。徒藉小山文。空揖章臺賦。



星回夜未艾。洞房凝遠情。雲陰滿池榭。中月懸高城。  
喬木含風霧。行鴈飛且鳴。平臺盛文雅。西園富羣英。  
芳慶良永矣。君王嗣德聲。眷此伊洛詠。載懷汾水情。  
顧己非麗則。恭惠奉仁明。觀淄詠已失。撫然愧簪纓。  
肅景遊清都。脩簪侍蘭室。異樹疏遠風。廣庭麗朝日。  
穆穆神儀靜。悒悒道言密。一餐繫靈表。無吝科年歷。  
神心遺魏闕。中想顧汾陽。肅景懷辰豫。捐玦翦山楊。  
時惟清夏始。雲景曖含芳。月陰洞野色。日華麗池光。  
草合亭皋遠。霞生川路長。端坐聞鶴引。靜瑟愴復傷。  
懷哉泉石思。歌詠鬱瓊相。春塘多送駕。言從伊與商。  
袞職眷英覽。獨善伊何忘。願輟東都遠。弘道侍云梁。  
清房洞已靜。閒風伊夜來。雲生樹陰遠。軒廣月容開。  
宴私移燭飲。遊賞藉琴臺。風猷冠淄鄴。衽烏愧唐枚。  
方池含積水。明月流皎鏡。規荷承日。泫影鱗與風。泳

上善叶淵心止川測動性幸是方春來側點游濠盛  
浮雲西北起飛來下高堂合散輕帷表飄舞桂臺陽  
遙階收委羽平地如夜光眷言金玉照顧慚蘭蕙芳  
睿心重離析歧路清江隈四面寒颿舉千里白雲來  
川長別管思地迴翻旗回還顧昭陽闕超遠章華臺  
置酒巫山日爲君停玉杯

桂樓飛絕限超遠向江岐輕寒霽廣甸微風散清漪  
連連絕雁舉渺渺青煙移嚴城亂芸草霜塘凋素枝  
氣爽深遙矚豫永聊停曦卽己終可悅盈樽且若斯  
炎光缺風雅宗霸拯時淪龍德待雲霧令圖方再晨  
歲遠荒城思霜華宿草陳英威遽如是徘徊歧路人  
念深冲照廣業闡清化玄端儀穆金殿敷教藻瓊筵  
船湛輕帷藹磬轉芳風旋卷巒棲道樹方津棹法舩  
歸興憑大造昭塗良易筌

分悲玉瑟斷別緒金樽傾風入芳帷散缸華蘭殿明  
想折中園草共知千里情行雲故鄉色贈此一離聲  
年華豫已滌夜艾賞方融新萍時合水弱草未勝風  
閨幽瑟易響臺迴月難中春物廣餘照蘭萱佩未窮  
連漪映餘雪嚴城限深霧清寒起洞門東風急池樹  
神居望已肅徘徊舉沖趣棲歸如遲詠邱山不可屢

和紀參軍服散得益

金液稱九轉西山歌五色鍊質乃排雲濯景終不測  
雲英亦可餌且駐羲和力能令長卿臥暫故遇真識

和王中丞聞琴

涼風吹月露圓景動清陰蕙風入懷抱聞君此夜琴  
蕭瑟滿林聽輕鳴響澗音無爲澹容與蹉跎江海心  
將發石頭上烽火樓

徘徊戀京邑躑躅躡會阿陵高遲關近眺迴風雲多

荆吳阻山岫。江海含瀾波。歸飛無羽翼。其如離別何。

望三湖

積水照蘋霞。高臺望歸翼。平原周遠近。連汀見紆直。威蕤向春秀。芸黃共秋色。薄暮傷哉人。嬋媛復何極。

送江水曹還遠館

高館臨荒途。清川帶長陌。上有流思人。懷舊望歸客。塘邊草雜紅。樹際花猶白。日暮有重城。何由盡離席。

送江兵曹檀主簿朱孝廉還上國

方舟泛春渚。攜手趨上京。安知暮歸客。詎憶山中情。香風葢上發。好鳥葉閒鳴。揮袂送君已。獨此夜琴聲。

臨溪送別

悵望南浦時。徙倚北梁步。葉上涼風初。日隱輕霞暮。荒城迴易陰。秋溪廣難渡。沫泣豈徒然。君子行多露。

後齋迴望

高軒瞰四野。臨牖眺襟帶。望山白雲裏。望水平原外。  
夏木轉成帷。秋荷漸如蓋。鞏洛常睠然。搖心似懸旆。

與江水曹至干濱戲

玉臺作別  
江水曹

山中上芳月。故人清樽賞。遠山翠百重。迴流映千丈。  
花枝聚如雪。蕪絲散猶網。一作垂藤  
散似網別後能相思。何  
嗟異封壤。

答沈右率諸君餞別

春夜別清樽。江潭復爲客。歎息東流水。如何故鄉陌。  
重樹日芬葢。芳洲轉如積。望望荆臺下。歸夢相思夕。  
離夜同江丞王常侍作

玉繩隱高樹。斜漢耿層臺。離堂華燭盡。別幌清琴哀。  
翻潮尚知限。客思耿難裁。山川不可夢。況乃故人杯。  
祀敬亭山廟

翦削兼太華。崢嶸跨玄圃。貝闕眊阿宮。薜帷陰網戶。

參差時未來。徘徊望澧浦。椒糝若馨香。無絕傳終古。

出下館

一作夏日

麥候始清和。涼雨銷炎燠。紅蓮搖弱荇。丹藤繞新竹。物色盈懷抱。方駕娛耳目。零落既難留。何用存華屋。

落日同何儀曹煦

參差複殿影。氛氲綺羅雜。風入天淵池。芰荷搖復合。遠聽雀聲聚。回望樹陰杳。一賞桂尊前。甯傷蓬鬢颯。

夜聽妓二首

瓊闥釧響聞。瑤席芳塵滿。要取洛陽人。共命江南管。情多舞態遲。意傾歌弄緩。知君密見親。寸心傳玉盃。上客光四座。佳麗值千金。挂釵報纓絕。墮珥答琴心。蛾眉已共笑。清香復入襟。歡樂夜方靜。翠帳垂沈沈。

詠薔薇

低枝詎勝葉。輕香幸自通。發萼初攢紫。餘采尚霏紅。

花新對白日。故蕊逐行風。參差不俱曜。誰肯盼微叢。  
詠蒲

離離水上蒲。結水散爲珠。閒厠秋菡萏。出入春鳧雛。  
初萌實雕俎。暮蕊雜椒塗。所悲塘上曲。遂鑠黃金軀。

詠兔絲

輕絲旣難理。細縷竟無織。爛漫已萬條。連綿復一色。  
安根不可知。縈心終不測。所貴能卷舒。伊用蓬生直。

遊東堂詠桐

孤桐北窗外。高枝百尺餘。葉生旣婀娜。葉落更扶疏。  
無華復無實。何以贈離居。裁爲珪與瑞。足可命參墟。

雜詠二首

鏡臺

玲瓏類丹檻。茗亭似玄闕。對鳳懸清冰。垂龍挂明月。  
照粉拂紅妝。插花理雲髮。玉顏徒自見。常謂君情歇。

燈

發翠斜漢裏蓄寶宕山峯抽莖類仙掌銜光似燭龍  
飛蛾再三繞輕花四五重孤對相思夕空照舞衣縫

燭

杏梁賓未散桂宮明欲沈燿色輕帷裏低光照寶琴  
徘徊雲髻影灼爍綺疏金恨君秋月夜遺我洞房陰

同詠樂器得琴同王融沈約

洞庭風雨幹龍門生死枝雕刻紛布獲冲響鬱清危  
春風搖蕙草秋月滿華池是時操別鶴淫淫客淚垂

同詠坐上玩器得烏皮隱几同沈約

蟠木生附枝刻削豈無施取則龍文鼎三趾獻光儀  
勿言素韋潔白沙尚推移曲躬奉微用聊承終宴疲

同詠坐上所見一物得席同王融虞炎柳惲等

本生潮汐池落景照參差汀洲蔽杜若幽渚奪江蘼



遇君時采擷。玉座奉金卮。但願羅衣拂。無使素塵彌。

詠竹火籠

同沈約

庭雪亂如花。井冰粲成玉。因炎入貂袖。懷溫奉芳褥。  
體密用宜通。文邪性非曲。本自江南墟。嬾娟脩且綠。  
暫承君玉指。請謝陽春旭。

詠風

徘徊登紅萼。葳蕤動綠旒。垂楊低復舉。新萍合且離。  
步檐行袖靡。當戶思襟披。高響飄歌吹。相思子未知。  
時拂孤鸞鏡。星鬢視參差。

詠竹

窗前一叢竹。青翠獨言奇。南條交北葉。新筍雜故枝。  
月光疏已密。風來起復垂。青屨飛不礙。黃口得相窺。  
但恨從風籜。根株長別離。

詠落梅

新葉初冉冉。初葢新菲菲。逢君後園燕。相隨巧笑歸。  
親勞君玉指。摘以贈南威。用持插雲髻。翡翠比光輝。  
日暮長零落。君恩不可追。

詠牆北梔子

有美當階樹。霜露未能移。金蕢發朱采。映日以離離。  
幸賴夕陽下。餘景及西枝。還思照綠水。君階無曲池。  
餘榮未能已。晚實猶見奇。復留傾筐德。君恩信未貲。

樂府詩集有齊零祭樂歌八首三四五言及七  
言九言有所思五言四句玉階怨五言四  
句王孫遊五言四句均未鈔  
明樂十首五言四句均未鈔

十八家詩鈔卷二

十八家詩鈔卷四目錄

李太白五古上二百九首

古風五十九首

俠客行 陳曲

關山月 樂府八首

結客少年場行

長干行二首

古朗月行

上之回

獨不見

妾薄命

幽州胡馬客歌

門有車馬客行

君子有所思行

東海有勇婦

黃葛篇

白馬篇

怨歌行

塞下曲六首

塞上曲三首

玉階怨

襄陽曲四首

大隄曲

宮中行樂詞八首

鼓吹入朝曲

秦女休行

秦女卷衣

東武吟

邯鄲才人嫁爲廝養卒婦

出自薊北門行

洛陽陌

北上行

短歌行

空城雀

發白馬

陌上桑

枯魚過河泣

丁都護歌

相逢行二首

千里思

樹中草

君馬黃

擬古

折楊柳

鳳凰曲

少年子

紫騮馬

少年行

豫章行

沐浴子

高句驪

靜夜思

淶水曲

鳳臺曲

從軍行二首

秋思二首

春思

子夜吳歌四首

對酒二首

估客樂

去婦詞

長歌行

南都行

玉真仙人詞

清溪行

歷陽壯士勤將軍名思齊歌

古意

贈從兄襄陽少府皓

贈張公洲革處士

淮海對雪贈傅靄

贈徐安宜

贈任城盧主簿潛

早秋贈裴十七仲堪

贈范金鄉二首

贈瑕邱王少府

贈丹陽橫山周處士惟長

玉真公主別館苦雨贈衛尉張卿二首

贈韋祕書子春

贈韋侍御黃裳二首

贈薛校書

贈何七判官昌浩

讀諸葛武侯傳書懷贈長安崔少府叔封昆季

贈崔侍御

贈參寥子



贈饒陽張司務璠

贈清漳明府姪

贈臨洺縣令皓弟

鄴中贈王大勸入高鳳石門山幽居

贈盧徵君昆弟

贈新平少年

贈崔侍御

贈嵩山焦鍊師

秋日鍊藥院鑷白髮贈元六兄林宗

書情贈蔡舍人雄

憶襄陽舊遊贈濟陰馬少府巨

訪道安陵遇蓋寰爲予造真籙臨別留贈

贈郎中崔宗之

贈崔諮議

贈別從甥高五

贈裴司馬

敘舊贈江陽宰陸調

贈從孫義興宰銘

草創大還贈柳官迪

贈崔司戶文昆季

贈溧陽宋少府陟

戲贈鄭溧陽

贈僧崖公

遊溧陽北湖亭望瓦屋山懷古贈同旅

贈秋浦柳少府

宿清溪主人

贈王判官時余歸隱居廬山屏風壘

在水軍宴贈幕府諸侍御

贈武十七諤

贈張相鎬二首

贈閻邱宿松

獄中上崔相渙

繫尋陽上崔相渙二首

贈劉都使

贈常侍御

贈易秀才

經亂離後天恩流夜郎憶舊遊書懷贈江夏韋

太守良宰

江夏使君叔席上贈史郎中

流夜郎半道承恩放還兼欣尅復之美書懷示

息秀才

十八家詩鈔卷四目錄

蘇東坡集卷之四目錄

蘇東坡集卷之四目錄

蘇東坡集卷之四目錄

蘇東坡集卷之四目錄

蘇東坡集卷之四目錄

蘇東坡集卷之四目錄

蘇東坡集卷之四目錄

蘇東坡集卷之四目錄

蘇東坡集卷之四目錄

蘇東坡集卷之四目錄

蘇東坡集卷之四目錄

蘇東坡集卷之四目錄

十八家詩鈔卷四

湘鄉曾國藩纂

合肥李鴻章審訂  
東湖王定安校

李太白五古上二百九首

古風五十九首

大雅久不作吾衰竟誰陳  
 王風委蔓草戰國多荆榛  
 龍虎相啖食兵戈逮狂秦  
 正聲何微茫哀怨起騷人  
 揚馬激頽波開流蕩無垠  
 廢興雖萬變憲章亦已淪  
 自從一作蹉跎建安來綺麗不足珍  
 聖代復元古垂衣貴  
 清真羣才屬休明乘運共躍鱗  
 文質相炳煥衆星羅  
 秋旻我志在刪述重一作垂輝映千春希聖如有立絕  
 筆於獲麟

蟾蜍薄太清蝕此瑤臺月  
 圓光虧中天金魄遂淪沒  
 蟬螗入紫微大明夷朝暉  
 浮雲隔兩耀萬象昏陰霏  
 蕭蕭長門宮昔是今已非  
 桂蠹花不實天霜下嚴威

沈歎終永夕感我涕沾衣蟾蜍句暗指楊妃歸竊句指祿山陷京師兩耀謂元

宗在蜀肅宗在靈武

秦皇掃六合虎視何雄哉揮劍決浮雲諸侯盡西來

明斷自天啓一作雄圖發英斷大略駕羣才收兵鑄金人函

谷正東開銘功會稽嶺騁望瑯邪臺刑徒七十萬起

土驪山隈尚採不死藥茫然使心人一作哀連弩射海

魚長鯨正崔嵬頰鼻象五嶽揚波噴雲雷鬢鬣蔽青

天何由覩蓬萊徐市載秦女樓船幾時回但見三泉

下金棺葬寒灰

鳳飛九千仞五章備綵珍銜書且虛歸空入周與秦

橫絕歷四海所居未得鄰吾營紫河車千載落風塵

藥物祕海嶽採鉛青谿濱時登大樓山舉首望仙真

羽駕滅去影颿車絕回輪尚恐丹液遲志願不及申

徒霜鏡中髮羞彼鶴上人桃李何處開此花非我春

唯應清都境長與韓衆親

太白何蒼蒼星辰上森列去天三百里邈爾與世絕

中有綠髮翁披雲一作千春臥松雪不笑亦不語冥棲在

巖穴我來逢真人長跪問寶訣粲然忽自哂一作玉齒

授以鍊藥說銘骨傳其語竦身已電滅仰望不可及

蒼然五情熱吾將營丹砂永與世人別

代馬不思越越禽不戀燕情性有所習土風固其然

昔別鴈門關今戍龍庭前驚沙亂海日飛雪迷胡天

蟣蝨生虎鶻上林賦蒙鶻蘇縞白虎蓋畫鶻蘇以爲冠畫白虎以爲袴也此云蟣蝨生虎鶻

蓋蟣蝨生於衣袴之上也心魂逐旌旗苦戰功不賞忠誠難可宣

誰憐李飛將白首沒三邊

客有鶴上仙飛飛凌太清揚言碧雲裏自道安期名

雨雨白玉童雙吹紫鸞笙去影忽不見回風送天聲

舉首遠望之一作我欲問之飄然若流星願餐金光草壽

與天齊傾上一作五鶴西北來飛飛凌太清仙人綠雲

飄然下倒景倏忽無留行遺我金光草服之四體輕將隨赤松去對博坐蓬瀛

莊周夢蝴蝶。蝴蝶為莊周。一體更變易。萬事良悠悠。

乃那一作知蓬萊水。復作清淺流。青門種瓜人。舊日東

陵侯。富貴固苟一作如此營營何所求。

齊有個儻生魯連特。高妙明月出海底。一朝開光曜

卻秦振英聲。後世仰末照。意輕千金贈。顧向平原笑。

吾亦澹蕩人。拂衣可同調。

黃河走東溟。白日落西海。逝川與流光。飄忽不相待。

春容捨我去。秋髮已衰改。人生非寒松。年貌一作顏色豈

長在吾當乘。雲螭吸景駐光彩。飛一作誰能學天

松柏本孤直。難為桃李顏。昭昭嚴子陵。垂釣滄波閒。

身將客星隱。心與浮雲閑。長揖萬乘君。還歸富春山。

清風灑六合。邈然不可攀。使我長歎息。冥棲巖石間。



君平既棄世。世亦棄君平。觀變窮太易。探元化羣生。

寂寞綴道論。一作真道空簾閉幽情。一作清騶虞不虛復。一作

來。鸞鷲有時鳴。安知天漢上。白日懸高名。海客去已

久。誰人能一作測沈冥。君平騶虞鸞鷲皆太白以自比

胡關饒風沙。蕭索一作颯竟終古。歲落秋草黃。登高望

戎虜。荒城空大漠。邊邑無遺堵。白骨橫千霜。嵯峨蔽

榛莽。借問誰陵虐。天驕毒威武。赫怒我聖皇。勞師事

鼙鼓。陽和變殺氣。發卒騷中土。三十六萬人。哀哀淚

如雨。且悲就行役。安得營農圃。不見征戍兒。豈知關

山苦。一本此下添爭鋒徒死節秉鉞皆庸李牧今不

在。一作衛霍邊人飼豺虎。

燕昭延郭隗。遂築黃金臺。劇辛方趙至。一作鄒衍復

齊來。柰何青雲士。棄我如塵埃。珠玉買歌笑。糟糠養

賢才。方知黃鶴舉。千里獨徘徊。

金華牧羊兒。乃是紫煙客。我願從之遊。未去髮已白。  
不知繁華。朱一作顏子擾擾何所迫。崑山探瓊蕊。一作可

以鍊精魄

天津三月時。千門桃與李。朝為斷腸花。暮逐東流水。

前水復非一作後水古今相續流。新一作今人非舊人年

年橋上游鷄鳴。海色動謁帝。羅公侯。月落西上陽。一作

上陽餘輝半城樓。衣冠照雲日。朝下散皇州。鞍馬如

飛龍。黃金絡馬頭。行人皆辟易。志氣橫嵩邱。入門上

高堂。列鼎錯珍羞。香風引趙舞。清管隨齊謳。七十紫

鴛鴦。雙雙戲庭幽。行樂爭晝夜。自言度千秋。功成身

不退。自古多愆尤。黃犬空歎息。綠珠成豐饒。何如鴟

夷子。散髮棹弄一作扁舟

西上嶽一作蓮花山迢迢見明星。素手把芙蓉。虛步躡

太清。霓裳曳廣帶。飄拂昇天行。邀我登雲臺。高揖衛

叔卿恍恍與之去。駕鴻凌紫冥。俯視洛陽川。茫茫走  
胡兵。流血塗野草。豺狼盡冠纓。

昔我遊齊都。登華不注峯。茲山何峻秀。綠翠如芙蓉。  
蕭颯古仙人。了知是赤松。借予一白鹿。自挾兩青龍。  
含笑凌倒景。欣然願相從。

泣與親友別。欲語再三咽。勸君青松心。努力保霜雪。  
世路多險艱。白日欺紅顏。分首各千里。去去何時還。  
在世復幾時。倏如飄風度。空聞紫金經。白首愁相誤。  
撫己忽自笑。沈吟爲誰故。名利徒煎熬。安得閒余步。  
終留赤玉鳥。東上蓬山一作萊路。秦帝如我求。蒼蒼但

煙霧

此首亦志  
在學仙

郢客吟白雪。遺響飛青天。徒勞歌此曲。舉世誰爲傳。  
試爲巴人唱。和者乃數千。吞聲何足道。歎息空淒然。

此首言曲  
高和寡

秦水別隴首幽咽多悲聲胡馬顧朔雪躩躑長嘶鳴

感物動我心緬然含歸情昔視秋蛾飛今見春蠶生

嫋嫋桑枯一作葉萋萋柳垂榮急節謝流水羈心搖

懸旌揮涕且復去惻愴何時平此首有倦遊思歸落葉糞根之意

秋露白如玉團團下庭綠我行忽見之寒早悲歲促

生猶鳥過目胡乃自結束景公一何愚牛山淚相續

物苦不知足登一作隴又望蜀人心若波瀾世路有

一作多屈曲三萬六千日夜夜當秉燭此首悲年光之迅駛

大車揚飛塵亭午暗阡陌中貴多黃金連雲開甲宅

路逢鬪鷄者冠蓋何輝赫鼻息干虹蜺行人皆怵惕

世無洗耳翁誰知堯與跖

世路日交喪澆風散淳源不采芳桂枝反棲惡木根

所以桃李樹吐花竟不言大運有興沒羣動爭飛奔

歸來廣成子去入無窮門

碧荷生幽泉朝日豔且鮮秋花冒綠水密葉羅青煙  
秀色空絕世馨香誰爲傳坐看飛霜滿凋此紅芳年  
結根未得所願託華池邊

燕趙有秀色綺樓青雲端眉目豔皎月一笑傾城歡  
常恐碧草晚坐泣秋風寒纖手怨玉琴清晨起長歎  
焉得偶君子共乘雙飛鸞

美女求偶皆喻賢才求主不獨此首爲然亦不獨公

詩爲然

容顏若飛電時景如飄風草綠霜已白日西月復東  
華鬢不耐秋颯然成衰蓬古來聖賢人一一誰成功  
君子變援鶴小人爲沙蟲不及廣成子乘雲駕輕鴻

此首亦傷時光之易逝

三季分戰國七雄成亂麻王風何怨怒世道終紛拏  
至人洞元象高舉凌紫霞仲尼亦一作浮海吾祖之

流沙聖賢共淪沒臨歧胡咄嗟

此首亦欲高舉出世

玄風變太古道喪無時還擾擾季葉一作市井人雞鳴趨

四關但識金馬門誰一作詎知蓬萊山白首死羅綺笑

歌無休一作時閒綠酒晒丹液青娥凋素顏一作千金骨風

塵凋素顏大儒揮金槌琢之一作發冢詩禮閒蒼蒼三珠樹冥

目焉能攀大儒二句用莊子儒以詩禮發冢事

鄭客西入關行行未能已白馬華山君相逢平原里

壁遺鑄池公明年祖龍死秦人相謂曰吾屬可去矣

一往桃花源千春隔流水

蓐收肅金氣西陸致海月秋蟬號階軒感物憂不歇

良辰竟何許大運有淪忽天寒悲風生夜久衆星沒

惻惻不忍言哀歌達明發此首亦感時節之早謝

北溟有巨魚身長數千里仰噴三山雪橫吞百川水

憑凌隨海運烜赫因風起吾觀摩天飛九萬方未已

此首自況卽賦大鵬之意也

羽檄如流星虎符合專城喧呼救邊急羣鳥皆夜鳴  
白日曜紫微三公運權衡天地皆得一澹然四海清  
借問此何爲答言楚徵兵

楚一作征兵

渡瀘及五月將赴

雲南征怯卒非戰士炎方難遠行長號別嚴親日月  
慘光晶泣盡繼以血心摧兩無聲困獸當猛虎窮魚  
餌奔鯨千去不一回投軀豈全生如何舞干戚一使  
有苗平

此首似諷天寶末徵兵討閣羅鳳  
卽白太傅新豐折臂翁之詩意

醜女來效嘔還家驚四鄰壽陵失本步笑殺邯鄲人  
一曲

一作東西

斐然子雕蟲喪天真棘刺造沐猴三年費

精神功成無所用楚楚且華

一作榮

身大雅思文王頌

聲久崩淪安得郢中質一揮成風斤

一作承風一運斤○此首刺當

時文士之以雕飾奪天真者  
卽第一首綺麗不足珍之意

抱玉入楚國見疑古所聞良寶終見棄徒勞三獻君  
直木忌先伐芳蘭哀自焚盈滿天所損沈冥道爲羣

東海汎碧水

一作流

西關乘紫雲魯連及柱史可以躡

清芬

此首戒懷材者不宜自炫宜以老子魯連為法

燕臣昔慟哭五月飛秋霜庶女號蒼天震風擊齊堂

精誠有所感造化為悲傷

一本此下添而我竟何辜遠身金殿旁

浮雲

蔽紫闥白日難回光羣沙穢明珠衆草凌孤芳古來

共歎息流淚空沾裳

前六句言積誠可以回天後六句言衆口可以鑠金理有定而

事無定反覆感歎反

孤蘭生幽園衆草共蕪沒雖照陽春暉復悲高秋月

飛霜早浙瀝綠豔恐休歇若無清風吹香氣為誰發

此首喻賢才處幽谷須有汲引之者

登高望四海天地何漫漫霜被羣物秋風飄大荒寒

榮華東流水萬事皆波瀾白日掩徂暉浮雲無定端

梧桐巢鸞雀枳棘棲鴛鴦且復歸去來劍歌行

一作悲

路難

一本自第四句後云殺氣落喬木浮雲蔽層巒孤鳳鳴天霓遺聲何辛酸遊人悲舊國撫心亦



盤桓倚劍歌所思曲終涕泗瀾  
○此首言萬事反覆波瀾千變

鳳飢不啄粟所食惟琅玕焉能與羣雞蹙一作刺促爭

一餐朝鳴崑邱樹夕飲砥柱湍歸飛海路遠獨宿天

霜寒幸遇王子晉結交青雲端懷恩未得報感別空

長歎此首亦自況之詞

朝弄紫泥海一作朝駕碧鸞車夕披丹霞裳揮手折若木拂

此西日光雲臥一作舉遊入極玉顏已千霜飄飄入無

倪稽首祈上皇呼我遊太素玉杯賜瓊漿一餐歷萬

歲何用還故鄉永隨長風去天外恣飄揚此首即屈子遠遊之意

搖裔雙白鷗鳴飛滄江流宜與海人狎豈伊雲鶴儔

寄影宿沙月沿芳戲春洲吾亦洗心者忘機從爾遊

周穆入荒意漢皇萬乘尊淫樂心不極雄豪安足論

西海宴王母北宮邀上元瑤水聞遺歌玉杯竟空言

靈迹成蔓草徒悲千載魂此即郭景純所譏燕昭無靈氣漢武非仙才之意

綠蘿紛歲蕤繚繞松柏枝草木有所託歲寒尚不移

奈何天桃色坐歎葑菲詩玉顏豔紅彩雲髮非素絲

君子恩已畢賤妾將何為此歎華士不能久榮

八荒馳驚颿萬物盡凋落浮雲蔽頽陽洪波振大壑

龍鳳脫網罟飄颿將安託去去乘白駒空山詠場藿

此首志在高舉出世亦自況之詩

一百四十年國容何赫然隱隱五鳳樓峨峨橫三川

王侯象星月賓客如雲煙麗一本首六句云帝京信佳

關歌鍾沸三川蓬萊象天構珠翠誇雲仙鬪雞金宮一作裏蹴鞠瑤臺邊

一作走馬舉動搖白日指揮回青天當塗何翁忽失

路長棄捐獨有揚執戟閉關草太玄此歎承平時權門之盛今已衰

歇

桃花開東園含笑誇白日偶蒙春風榮生一作此豔

陽質豈無佳人色但恐花不實宛轉龍火飛零落早  
相失詎知南山松獨立自蕭瑟

高枝之意

末二句自況即陶公疑霜矜異類卓然見

秦皇按寶劍赫怒振威神逐日巡海右驅石駕滄津  
徵卒空九寓作橋傷萬人但求蓬島藥豈思農厲春  
力盡功不贍千載爲悲辛

美人出南國灼灼芙蓉姿皓齒終不發芳心空自持  
由來紫宮女共妬青蛾眉歸去瀟湘沚沈吟何足悲  
宋國梧臺東野人得燕石

一作宋人枉千金去國買燕石誇作天下

珍卻晒趙王璧趙璧無緇磷燕石非貞真流俗多錯  
誤豈知玉與珉

殷后亂天紀楚懷亦已昏夷羊滿中野綠蕪盈高門  
比干諫而死屈平竄湘源虎口何婉變女顏空嬋娟  
彭咸久淪沒此意與誰論

青春流驚湍朱明一作火驟回薄不忍看秋蓬飄揚竟

何託光風滅蘭蕙白露灑葵藿一作委蕭藿美人不我期

草木日零落此首亦歲不我與之意

戰國何紛紛兵戈亂浮雲趙倚兩虎鬪晉為六卿分

姦臣欲竊位樹黨自相羣果然田成子一日弑齊君

倚劍登高臺悠悠送春日蒼榛蔽層邱瓊草隱深谷

鳳凰鳴西海欲集無珍木鸞斯得匹一作所居蒿

下盈萬族晉風日已頽窮途方慟哭一本首四句以下云翩翩衆鳥

飛翱翔在珍木羣花亦便媚榮耀非一族歸來愴途窮日暮還慟哭

齊瑟彈一作揮東吟秦絃弄西音慷慨動顏魄使人成

荒淫彼女佞邪子婉變來相尋一笑雙白璧再歌千

黃金珍色不貴道詎惜飛光沈安識紫霞客瑤臺鳴

玉一作素琴

越客採明珠提攜出南隅清輝照海月美價傾鴻一作

皇都獻君君按劍懷寶空長吁魚目復相哂寸心增  
煩紆。

羽族稟萬化小大各有依啁啁亦何辜六翮掩不揮  
願銜衆禽翼一向黃河飛飛者莫我顧歎息將安歸

我行巫山渚尋古登陽臺天空綵雲滅地遠清風來

神女去已久襄王安在哉荒淫竟淪沒樵牧徒悲哀

惻惻泣路歧哀哀悲素絲路歧有南北素絲易一作

變移一本下添萬事固如此人生無定期田實相傾

奪賓客互盈虧世塗多翻覆交道方嶮巇斗酒

以下谷風刺輕薄交道方嶮巇斗酒強然諾寸心終

自疑張陳竟火滅蕭朱亦星離衆鳥集榮柯窮魚守

空一作枯池嗟嗟失懽客勤問何所規一作悲又作窺

署門之意老杜貧交行亦同此此首即翟公

依客行雜曲歌辭以下樂府

趙客縵胡纓吳鉤霜雪明銀鞍照白馬颯沓如流星

十步殺一人千里不留行事了拂衣去深藏身與名

閒過信陵飲脫劍膝前上一作橫將炙啖朱亥持觴勸

侯嬴三杯吐然諾五嶽倒為輕眼花耳熱後意氣素

霓生救趙揮金槌邯鄲先震驚千秋二壯士烜赫大

梁城縱死依骨香不慙世上英雄誰能書閣下白首太

玄經

關山月橫吹曲辭○樂府解題曰關山月傷離別也郭曰相和曲有度關山亦此類也

明月出天山蒼茫雲海閒長風幾萬里吹度玉門關

漢下白登道胡窺青海灣由來征戰地不見有人還

戍客望邊色一作思歸多苦顏高樓當此夜歎息未

應閒一作

結客少年場行雜曲歌辭○曹植結客篇曰結客少年場報怨洛北邙樂府解

題曰結客少年場行言輕生重義慷慨以立功名也

紫鸞黃金瞳啾啾一作搖綠髮平明相馳逐結客洛

門東少年學劍術。凌轢白猿公。珠袍曳錦帶。七首插吳鴻。由來萬夫勇。挾此英雄風。託交從劇孟。買醉入新豐。笑盡一杯酒。殺入都市中。羞道易水寒。從徒一作今日貫虹燕。丹事不立虛。沒秦帝宮。武陽死灰人。安可與成功。

長干行二首

雜曲  
歌辭

妾髮初覆額。折花門前劇。郎騎竹馬來。遶牀弄青梅。

同居長千里。兩小無嫌猜。十四爲君婦。羞顏未嘗開。

低頭向暗壁。千喚不一回。十五始展眉。願同塵與灰。

常存抱柱信。豈

一作  
恥

上望夫臺。十六君遠行。瞿塘灩

預堆五月不可觸。援聲天上哀。門前遲

一作  
舊

行跡。一

一生綠

一作  
蒼

苔苔深不能掃。落葉秋風早。八月蝴蝶

來

一作  
黃

雙飛西園草。感此傷妾心。坐愁紅顏老。早晚

下三巴。預將書報家。相迎不道遠。直至長風沙。

憶妾昔一作深閨裏煙塵不曾識嫁與長干人沙頭候

風色五月南風興思君下巴陵八月西風起想君發

揚子去來悲如何見少別離多湘潭幾日到妾夢越

風波昨夜狂風度吹折江頭樹森森暗無邊行人在

何處北客至真一作王公朱衣滿汀江一作中一作北客

過新日暮來投宿數朝不肯東自憐十五餘顏色桃

李紅那作商人婦愁水復愁風

古朗月行雜曲

小時不識月呼作白玉盤又疑瑤臺鏡飛在青雲端

仙人垂兩足桂樹作一作團圓白兔擣藥成問言誰

與餐蟾蜍蝕圓影天一作明夜已殘羿昔落九烏天

人清且安陰精此淪惑去去不足觀憂來其如何慚

愴摧心肝蟾蝕影陰精淪惑等句

上之回鼓吹曲辭○漢武帝元封四年冬十月  
行幸雍祠五時通回中道遂北出蕭關



沈建樂府廣題曰漢曲皆美當時之事

三十六離宮樓臺與天通閣道步行月美人愁煙空  
恩疏寵不及桃李傷春風淫樂意何極金輿向回中  
萬乘出黃道千旗揚彩虹前軍細柳北後騎甘泉東  
豈問渭川老甯邀襄野童但慕一作秋暮瑤池宴歸來樂  
未窮渭川老文王訪賢也襄野童黃帝問道也瑤池宴穆王佚遊也末四句似有所諷  
獨不見雜曲歌辭○郭集錄者七家樂府解題曰獨不見傷思而不得見也  
白馬誰家子黃龍邊塞兒天山三丈雪豈是遠行時  
春蕙忽秋草莎雞鳴曲池風催寒梭響月入霜閨悲  
憶與君別年種桃齊蛾眉桃今百餘尺花落成枯枝  
終然獨不見流淚空自知

妾薄命

雜曲歌辭○郭集錄者十七家

漢帝重一作寵

阿嬌貯之黃金屋咳唾落九天隨風生

珠玉寵極愛還歇如深情卻疏長門一步地不官暫

回車雨落不上天水覆重難收一作難君情一作與

妾意各自東西流昔日芙蓉花今成斷根草一作素

以色事他人能得幾時好

幽州胡馬客歌橫吹曲辭

幽州胡馬客綠眼虎皮冠笑拂兩隻劍萬人不可干

彎弓若轉月白雁落雲端雙雙掉鞭行遊獵向樓蘭

出門不顧後報國死何難天驕五單于狼戾好兇殘

牛馬散北海割鮮若虎餐雖居燕支山不道朔雪寒

婦女馬上笑顏如頰玉盤翻飛射鳥獸花月醉雕鞍

旄頭四光芒爭戰如蜂攢白刃灑赤血流沙為之丹

名將古誰是疲兵良可歎何時天狼滅父子得閒安

門有車馬客行相和歌辭  
○郭集錄者六家古

車馬客行歌東阿王置酒一篇樂府解題曰

曹植等門有車馬客行皆言問訊其客或得

故舊鄉里或駕自京師備敘市朝遷謝親友

彫喪之意也曹植又有門有萬里客亦與此

同國藩按此題皆言問訊其客  
備敘市朝遷變親友彫喪之意

門有車馬賓一作金鞍曜朱輪謂從丹一作霄落乃

是故鄉親呼兒婦中堂坐客論悲辛對酒兩不飲停

觴淚盈巾歎我萬里遊飄颻三十春空談霸王略紫

綬不挂身雄劍藏玉匣陰符生素塵廓落無所合流

離湘水濱借問宗黨閒多為泉下人生苦百戰役死

託萬鬼鄰北風揚胡沙埋翳周與秦大運且如此蒼

穹甯匪仁惻愴竟何道存亡任大鈞北風二句言兩  
京俱陷借古題

以傷  
時事

君子有所思行雜曲歌辭○郭集錄者六家樂  
府解題曰君子有所思行其旨

言彫室麗色不足為久懼宴安  
毒滿盈所宜敬忌與君子行異也

紫閣連終南青冥天倪色憑崖望咸陽宮闕羅北極

萬井驚畫出九衢如絃直渭水清銀河橫天流不息

朝野盛文物衣冠何翕翬廢馬散連山軍容威絕域

伊臯運元化衛霍輸筋力歌鐘樂未休榮去老還逼  
圓光過滿缺太陽移中昃不散東海金何爭西輝匿  
無作牛山悲惻愴淚沾臆

東海有勇婦

代關中有貞女勇又作賢○舞曲  
歌辭按魏鞞舞五曲中一曰關中

有賢女太白  
作此代之

梁山感杞妻慟哭為之傾金石忽暫開都由激深情  
東海有勇婦何慚蘇子卿學劍越處子超騰若流星  
捐軀報夫讎萬死不顧生白刃曜素雪蒼天感精誠  
十步兩躡一作躍三呼一交兵斬首掉國門蹴踏五  
藏行豁此伉儷憤粲然大義明北海李使君飛章奏  
天庭捨罪警風俗流芳播滄瀛志在列女籍竹帛已  
光榮淳于免詔獄漢主為緹縈津妾一棹歌脫父於  
嚴刑十子若不肖不如一女英豫讓斬空衣有心竟  
無成要離殺慶忌壯夫素所輕妻子亦何辜焚之買

虛聲豈如東海婦事立獨揚名

黃葛篇

新樂府辭

黃葛生洛谿黃花自絲纂青煙蔓長條繚繞繞幾百尺  
閨人費素手採緝作絺綌縫為絕國衣遠寄日南客  
蒼梧大火落暑服莫輕擲此物雖過時是妾手中跡

白馬篇

雜曲歌辭○郭集錄者十家按白馬篇言人當立功立事盡力為國不可念私

也鮑照沈約之作則言邊塞征戰之事

龍馬花雪毛金鞍五陵豪秋霜切玉劍落日明珠袍  
鬪雞事萬乘軒蓋一何高弓摧宜山虎手接太山猱  
酒後競風彩三杯弄寶刀殺人如翦草劇孟同遊遨  
發憤去函谷從軍向臨洮叱咤經百戰一作萬戰場匈奴  
盡波濤一作逃歸來使酒氣未官拜一作下蕭曹羞入原  
憲室荒徑隱蓬蒿

怨歌行

一作長安見內人出嫁令子代為怨歌行○相和歌辭郭集錄者七家

十五入漢宮花顏笑如一作春紅君王選玉色侍寢金

錦一作屏中薦枕嬌夕月卷衣戀春一作風甯知趙飛

燕奪寵恨無窮沈憂能傷人綠鬢成霜蓬一朝不得

意世事徒一作信為空鸛鷓換美酒舞衣罷雕龍寒苦

不忍言為君奏絲桐腸斷絃亦絕悲心夜忡忡

塞下曲六首新樂府辭○郭集錄者二十二家

五月天山雪無花祇有寒笛中聞折柳春色未曾看

曉戰隨金鼓宵眠抱玉鞍願將腰下劍直為斬樓蘭

天兵下北荒胡馬欲南飲橫戈從百戰直為銜恩甚

握雪海上餐拂沙隴頭寢何當破月氏然後方高枕

駿馬如風颯鳴鞭出渭橋彎弓辭漢月插羽破天驕

陣解星芒盡營空海霧銷功成畫麟閣獨有霍嫖姚

白馬黃金塞雲砂繞夢思那堪愁苦節遠憶邊城兒

螢飛秋窗滿月度霜闥遲摧殘梧桐葉蕭颯沙棠枝

無時獨不見淚流空自知

塞虜乘秋下天兵出漢家將軍分虎竹戰士臥龍沙

邊月隨弓影胡霜拂劍花玉關殊未入少婦莫長嗟

烽火動沙漠連照甘泉雲漢皇按劍起還召李將軍

兵一作殺氣天上合鼓聲隴底聞橫行負勇氣一戰靜

妖氛

塞上曲三首新樂府辭○郭集錄者九家

大漢無中策匈奴犯渭橋五原秋草綠胡馬一何驕

命將征西極橫行陰山側燕支落漢家婦女無花色

轉戰渡黃河休兵樂事多蕭條清萬里瀚海寂無波

玉階怨相和歌辭○郭集錄者三家

玉階生白露夜久侵羅襪卻下水精簾玲瓏望秋月

襄陽曲四首雜歌謠辭

襄陽行樂處歌舞白銅鞮江城回綠水花月使人迷

山公醉酒時酪酏襄一作高陽下頭上白接羅倒著還

騎馬

峴山臨漢江水綠沙如雪一作水色如霜雪上有墮淚碑青

苔久磨滅

且醉習家池莫看墮淚碑山公欲上馬笑殺襄陽兒

大堤曲

清商曲辭○郭集選者四家

漢水臨一作橫襄陽花開大堤暖佳期大堤下淚向南

雲滿春風復無情吹我夢魂散不見眼中人天長音

信斷

宮中行樂詞八首

奉詔作○近代曲辭

小小生金屋盈盈在紫微山花插寶髻石竹繡羅衣

每出深宮裏常隨步輦歸只愁歌舞散一作罷化作綵

雲飛

柳色黃金嫩梨花白雪香玉樓巢一作關翡翠珠殿鎖



鴛鴦選妓隨雕一作朝輦。徵歌出洞房。宮中誰第一飛

鷺在昭陽

盧橘為秦樹。蒲桃出一作是漢宮。煙花宜落日。絲管醉

春風。笛奏龍鳴一作吟。水簫吟一作鳴。鳳下空君王多樂

事何必向一作在回中一作萬方同

玉樹一作殿春歸日一作好金宮樂事多。後庭朝未入。輕

輦夜相過。笑出花閒語。嬌來燭下歌。莫教明月去留

著醉姮娥

繡戶香風暖。沙窗曙色新。宮花爭笑日。池草暗生春。

綠樹聞歌鳥。青樓見舞人。昭陽桃李月。羅綺自一作坐

相親。

今日明光裏。還須結伴遊。春風開紫殿。天樂下珠樓。

豔舞全知巧。嬌歌半欲羞。更憐花月夜。宮女笑藏鉤。

寒雪梅中盡。春風柳上歸。宮鶯嬌欲醉。檐鷺語還飛。

遲日明歌席。新花豔舞衣。晚來移綵仗。行樂好光輝。  
水綠南薰殿。花紅北闕樓。鶯歌聞太液。鳳吹遶瀛洲。  
素女鳴珠佩。天人弄綵球。今朝風日好。宜入未央遊。

鼓吹入朝曲鼓吹曲辭

金陵控海浦。綠水帶吳京。鏡歌列騎吹。颯沓引公卿。  
搥鐘速嚴妝。伐鼓啓重城。天子憑玉案。劍履若雲行。  
日出照萬戶。簪裾爛明星。朝罷沐浴閑。遨遊闋風亭。  
濟濟雙闕下。歡娛樂恩榮。

秦女休行古詞魏朝協律都尉左延年所作今擬之○雜曲歌辭按左延年辭言秦

女休為燕王婦為宗報讎殺人都市遇赦得免傳玄辭言龐娥為父報讎殺人以烈義稱  
太白此辭擬左延年但左傳俱用長短句太白但用五言為小異耳

西門秦氏女。秀色如瓊花。手揮白楊刀。清晝殺讎家。  
羅袖灑赤血。英聲凌紫霞。直上西山去。關吏相邀遮。  
婿為燕國王。身被詔獄加。犯刑若履虎。不畏落爪牙。

素頸未及斷摧眉伏泥沙金雞忽放赦大辟得寬賒  
何慙聶政姊萬古共驚嗟

秦女卷衣

雜曲歌辭○樂府解題曰秦王卷衣言咸陽春景及宮闕之美秦王卷衣

以贈所懽也唐李白有秦女卷衣

天子居未央妾來卷衣裳顧無紫宮寵敢拂黃金牀  
水至亦不去熊來尚可當微身捧日月飄若螢火光  
願君採葑菲無以下體妨

東武吟

一作出金門後書懷留別翰林諸公○相和歌辭郭集錄者四家按東武吟傷

時移事異榮華徂謝也

好古笑流俗素聞賢達風方希佐明主長揖辭成功  
白日在高天回光燭微躬恭承鳳凰詔歛起雲蘿中  
清切紫霄迴優遊丹禁通君王賜顏色聲價凌煙虹  
乘輿擁翠蓋扈從金城東寶馬麗絕景錦衣入新豐  
倚巖望松雪對酒鳴絲桐因學揚子雲獻賦甘泉宮

天書美片善清芬播無窮歸來入咸陽談笑皆王公

一朝去金馬飄落成飛蓬賓友日疏散玉樽亦已空

才力獨可倚一作恃不慙世上雄閑作東武吟曲盡情

未終書此謝知己吾尋黃綺翁一作扁舟尋釣翁

邯鄲才人嫁為廝養卒婦雜曲歌辭郭集錄者二家

妾本叢臺女揚娥入丹闕自倚顏如花甯知有凋歇

一辭玉階下去若朝雲沒每憶邯鄲城深宮夢秋月

君王不可見惆悵至明發

出自薊北門行雜曲歌辭郭集錄者四家樂府解題曰出自薊北門行其大

致與從軍行同而兼言燕薊風物及突騎勇悍之狀

虜陣橫北荒胡星曜精芒羽書速驚電烽火晝連光

虎竹救邊急戎車森已行明主不安席按劍心飛揚

推轂出猛將連旗登戰場兵威衝絕漠殺氣凌穹蒼

列卒一作陣赤山下開營紫塞傍孟冬風沙緊旌旗一作

旆颯凋傷畫角悲海月征衣卷天霜揮刃斬樓蘭彎  
弓射賢王單于一平蕩種落自奔亡收功報天子行

歌一作歸咸陽

洛陽陌橫吹曲辭

白玉誰家郎回車渡天津看花東陌上驚動洛陽人

北上行

相和歌辭○樂府解題曰魏武帝苦寒行備言冰雪谿谷之苦其後或謂之北

上行蓋因武帝辭而擬之也

北上何所苦北上緣太行磴道盤且峻巉巖凌穹蒼

馬足蹶側石車輪摧高岡沙塵接幽州烽火連朔方

殺氣毒劍戟嚴風裂衣裳奔鯨夾黃河鑿齒屯洛陽

前行無歸日返顧思舊鄉慘戚冰雪裏悲號絕中腸

尺布不掩體皮膚劇枯桑汲水澗谷阻採薪壠坂長

猛虎又掉尾磨牙皓秋霜草木不可餐飢飲零露漿

歎此北上苦停驂爲之傷何日王道平開顏覩天光

短歌行

相和歌辭郭集錄者十七家○魏武帝短歌行有身世多憂汲汲求賢之意各

家多及時行樂之意

白日何短短百年苦易滿蒼穹浩茫茫萬劫太極長

麻姑垂兩鬢一半已成霜天公見玉女大笑億千場

吾欲攬六龍回車挂扶桑北斗酌美酒勸龍各一觴

富貴非所願為一作與人駐顏又作流光

空城雀

雜曲歌辭郭集錄者六家○按空城雀自鮑照以下皆有含辛茹苦守分安命

之意

嗷嗷空城雀身計何戚促本與鷦鷯羣不隨鳳凰族

提攜四黃口飲乳未嘗足食君糠粃餘常恐烏鳶逐

恥涉太行險羞營覆車粟天命有定端守分絕所欲

發白馬

雜曲歌辭郭集錄者二家○郭云衛國曹邑有白馬津酈生云守白馬之津是

也發白馬謂征戍而發兵於此也

將軍發白馬旌節渡黃河簫鼓聒川嶽滄溟湧濤一作

洪波武安有震瓦易水無寒歌鐵騎若雪山飲流涸  
滹沱揚兵獵月窟轉戰略朝那倚劍登燕然邊烽列  
嵯峨蕭條萬里外耕作五原多一掃清大漠包虎戢

金戈

陌上桑

相和歌辭郭集錄者十家○郭注一曰

調古辭豔歌羅敷行古今樂錄曰陌上桑歌瑟

今注曰陌上桑者出秦氏女子南隅篇崔豹古

有女名羅敷為邑人千乘王仁妻王仁後為

趙王家令羅敷出探桑於陌上趙王登臺見

而悅之因置酒欲奪焉羅敷巧彈箏乃作陌

上桑之歌以自明趙王乃止樂府解題曰古

辭言羅敷採桑為使君所邀盛誇其夫為侍

中郎以拒之與前說不同若陸機扶桑升朝

暉但歌矣有人好桑曲亦出於此

美女渭橋東

一作美遊女春還又作事蠶作五馬

飛如花

一作如飛龍青絲結金絡不知誰家子調笑

來相謔妾本秦羅敷玉顏豔名都綠條映素手採桑

向城隅使君且不顧况復論秋胡寒蠶愛碧草鳴鳳

棲青梧託心自有處但怪旁人愚徒令白日暮高駕空踟躕

枯魚過河泣雜曲歌辭郭集錄古辭一首太白一首皆以慎出入為誠

白龍常改服偶被豫且制誰使爾為魚徒為訴天帝

作書報鯨鮪勿恃風濤勢濤濤落歸泥沙翻遭螻蟻噬

萬乘慎出入柏人以為誠一作識按柏人用漢高祖過趙事

丁都護一作督護歌清商曲辭郭集錄者三家一曰阿督護歌宋書樂志曰督護歌

者彭城內史徐達之為魯軌所殺宋高祖使府內直督護丁旽收斂殯埋之達之妻高祖

長女也呼旽至閭下自問殮送之每問輒歎息曰丁督護其聲哀切後人因其聲廣其

曲焉唐書樂志曰丁督護晉宋閱曲也今歌是宋武帝所製云

雲陽上征去兩岸饒商賈吳牛喘月時拖船一何苦

水濁不可飲壺漿半成土一唱都護歌心摧淚如雨

萬人繫盤石無由達江滸君看石芒碭掩淚悲千古

相逢行二首一云有贈○相和歌辭郭集錄者六家一曰相逢狹路闕行一



曰長安有狹斜行樂府解題曰古詞文意與雞鳴曲同晉陸機長安狹斜行云伊洛有歧路歧路交朱輪則言世路險狹邪僻正直之士無所措手足矣唐李賀有難忘曲亦出於此

朝騎五花馬謁帝出銀臺秀色誰家子雲車一作珠

落開金鞭遙指點玉勒近遲回來轂相借問疑一作知

從天上來一本更添憐腸愁欲斷斜日復相催下車何輕盈飄然似落梅邀入青綺

門當歌共銜杯一作嬌羞初解銜杯映歌扇似月雲

中見相見不得一作相親不如不相見相見情已深未

語可知心胡為守空閨孤眠愁錦衾錦衾與羅帷纏

繚會有時春風正澹蕩暮雨來何遲一作春風正糾結青鳥來何遲

願因三青鳥更報長相思光景不待人須臾髮成絲

當年失行樂老去徒傷悲持此道密意無令曠佳期

相逢紅塵內高揖黃金鞭萬戶垂楊裏君家阿那邊

千里思一作千里曲雜曲

歌辭郭集錄者三家

李陵沒胡沙蘇武還漢家。迢迢五原關。朔雪亂邊花。

一作愁見 雲如花 一去隔絕國思歸但長嗟鴻雁向西北因

飛一作 書報天涯

樹中草

雜曲歌辭郭集錄者三家

鳥銜野田草誤入枯桑裏客土植危根逢春猶不死  
草木雖無情因依尚可生如何同枝葉各自有枯榮

君馬黃

鼓吹曲辭郭集錄者三家

君馬黃我馬白馬色雖不同人心本無隔共作遊冶  
盤雙行洛陽陌長劍既照曜高冠何施赫各有千金  
裘俱為五侯客猛虎落陷穽壯夫時屈厄相知在急  
難獨好亦一作何益

擬古

融融白玉輝映我青蛾眉寶鏡似空水落花如風吹  
出門望同子蕩漾不可期安得黃鶴羽一報佳人知

折楊柳

橫吹曲辭郭集錄者二十三家○唐書樂志曰梁樂府有胡吹歌云上馬不捉

鞭反拗楊柳枝下馬吹橫笛愁殺行客兒此

宋書五行志曰晉太康末京洛為折楊柳之

歌其曲有兵革苦辛之辭按古樂府又有小

折楊柳相和曲有折楊柳十三曲與此不同

垂楊

一作楊柳

拂綠水搖豔

一作豔裔

東風年花明玉關雪葉

暖金窗煙美人結長想對此心悽然攀條折春色遠

寄龍庭前

一作龍沙邊

鳳凰曲

清商曲辭

羸女吹玉簫吟弄天上春青鸞不獨去更有攜手人

影滅彩雲斷遺聲落西秦

少年子

雜曲歌辭郭集錄者四家

青雲少年子挾彈章臺左鞍馬四邊開突如流星過

金丸落飛鳥夜入瓊樓臥夷齊是何人獨守西山餞

紫駱馬

橫吹曲辭郭集錄者十四家○按郭集以紫駱馬為從軍久戍懷歸而作此詩

末二句反之  
語愈沈痛

紫騮行驕一作且嘶雙翻碧玉蹏臨流不肯渡似惜錦

障泥白雪關山一作遠黃雲海戍迷揮鞭萬里去安

何一作得念一作春閨

少年行雜曲

擊筑飲美酒劍歌易水湄經過燕太子結託并州兒

少年負壯氣奮烈自有時因聲魯句踐爭情一作勿

相欺

豫章行陸機謝靈運之錄者九家○按豫章行

久傳玄之此言盡力於人終以華落見棄太白此作則似從軍之詞

胡風吹代馬攢一作燕人北擁魯陽關吳兵照海雪西

討何時還半渡上遼津黃雲慘無顏老母與子別呼

天野草間白馬一作繞旌旗悲鳴相追攀白楊秋月

苦早落豫章山本為休明人斬虜素不閑豈惜戰鬪

死爲君埽兇頑精感石沒羽豈云憚險艱樓船若鯨  
飛波蕩落星灣此曲不可奏二軍鬢成班

沐浴子

雜曲歌辭郭集錄者二家

沐芳莫彈冠浴蘭莫振衣處世忘太潔至人貴藏暉  
滄浪有釣叟吾與爾同歸

高句驪

雜曲歌辭

金花折風帽白馬小遲回翩翩舞廣袖似鳥海東來

靜夜思

新樂府辭

牀前看月光疑是地上霜舉頭望山月低頭思故鄉

淥水曲

琴曲歌辭

淥水明秋日南湖採白蘋荷花嬌欲語愁殺蕩舟人

鳳臺曲

清商曲辭郭集錄者二家

嘗聞秦帝女傳得鳳皇聲是日逢仙子當時別有情

人吹彩簫去天借綠雲迎心一作

在身不返空餘弄

玉名

從軍行

相和歌辭郭集錄者十  
九家○附七言一首

從軍玉門道逐虜金微山  
笛奏梅花曲刀開明月環  
鼓聲鳴海上兵氣擁雲間  
願斬單于首長驅靜鐵關  
百戰沙場碎鐵衣城南已  
合數重圍突營射殺呼延  
將獨領殘兵千騎歸

秋思二首

琴曲  
歌辭

春陽如昨日碧樹鳴黃鸝  
蕪然蕙草暮颯爾涼風吹  
天秋木葉下月冷莎雞悲  
坐愁羣芳歇白露凋華滋  
闕氏黃葉落妾望白登臺  
海上一作碧雲斷單于一作  
聲蟬秋色來胡兵沙塞合  
漢使玉關回征客無歸日  
空悲蕙草摧

春思

燕草如碧絲秦桑低綠枝  
當君懷歸日是妾斷腸時

春風不相識何事入羅幃

子夜吳歌四首清商曲辭

秦地羅敷女採桑綠水邊素手青條上紅妝白日鮮

蠶飢妾欲去五馬莫留連春

鏡湖三百里菡萏發荷花五月西施採人看隘若耶

回舟不待月歸去越王家夏

長安一片月萬戶擣衣聲秋風吹不盡總是玉關情

何日平胡虜良人罷遠征秋

明朝驛使發一夜絮征袍素手抽鍼冷那堪把剪刀

裁縫寄遠道幾日到臨洮冬

對酒二首相和歌辭郭集錄者八家○按魏武帝賦對酒其旨言王者德澤廣被政

理民和萬物咸遂范雲以下則言但當及時為樂

松子棲金華安期入蓬海此人古之仙羽化竟何在

浮生速流電倏忽變光彩天地無凋換容顏有遷改

對酒不肯飲含情欲誰待

勸君莫拒杯春風笑人來桃李如舊識傾花向我開  
流鶯啼碧樹明月窺金罍昨來朱顏子今日白髮催  
棘生石虎殿鹿走姑蘇臺自古帝王宅城闕閉黃埃  
君若不飲酒昔人安在哉

估客樂

清商  
曲辭

海客乘天風將船遠行役譬如雲中鳥一去無蹤跡

去婦詞

古來有棄婦棄婦有歸處今日妾辭君辭君遣何去  
本家零落盡慟哭來時路憶昔未嫁君聞君卻周旋  
綺羅錦繡段有贈黃金千十五許嫁君二十移所天  
自從按自從二字疑衍通首皆  
五言不應著此一七字句結髮日未幾離君緬  
山川家家盡歡喜孤妾長自憐幽閨多怨思盛色無  
十年相思苦循環枕席生流泉流泉咽不埽獨夢關



山道及此見君歸君歸妾已老物華惡衰賤新寵方  
妍好掩淚出故房傷心劇秋草自妾爲君妻君東妾  
在西羅帷到曉恨玉貌一生曉自從離別久不覺塵  
埃厚常嫌玳瑁孤猶羨鴛鴦偶歲華逐霜霰賤妾何  
能久寒沼落芙蓉秋風散楊柳以此顛顛顏空持舊  
物還餘生欲何寄誰肯相牽攀君恩旣斷絕相見何  
年月悔傾連理杯虛作同心結女蘿附青松貴欲相  
依投浮萍失綠水教作若爲流不歎君棄妾自歎妾  
緣業憶昔初嫁君小姑纔倚牀今日妾辭君小姑如  
妾長回頭語小姑莫嫁如兄夫按此顧况棄婦詞也  
後人竄入太白集中

長歌行

相和歌辭郭集錄者十家○按長歌行  
言人當努力爲樂無至老大乃傷悲也

桃李得日開榮華照當年東風動百物草木盡欲言

枯枝無醜葉涸水吐清泉大力運天地羲和無停鞭

功名不早著竹帛將何宣桃李務青春誰能貫白日

富貴與神仙。蹉跎成兩失。金石猶銷鑠。風霜無久質。  
畏落日月後。強歡歌與酒。秋霜不惜人。倏忽侵蒲柳。

已上  
樂府

南都行 以下  
歌吟

南都信佳麗。武闕橫西關。白水真人居。萬商羅鄜關。  
高樓對紫陌。甲第連青山。此地多英豪。邈然不可攀。  
陶朱與五穀。名播天壤間。麗華秀玉色。漢女嬌朱顏。  
清歌遏流雲。豔舞有餘閑。遨遊盛宛洛。冠蓋隨風還。  
走馬紅陽城。呼鷹白河灣。誰識臥龍客。長吟愁鬢班。

玉真仙人詞

玉真之真一作  
仙人時往一作  
西上太華峯。清晨鳴天鼓。颯

歔騰雙龍弄。電不輟。手行雲。本無蹤。幾時入少室。王

母應相逢。

清溪行 宣城一作  
青溪

清溪清我心。水色異諸水。借問新安江。見底何如此。人行明鏡中。鳥度屏風裏。向晚猩猩嘯。空悲遠遊子。

歷陽壯士勤將軍名思齊歌

竝序

歷陽壯士勤將軍神力出於百夫。則天太后  
召見奇之。授遊擊將軍。賜錦袍玉帶。朝野榮  
之後。拜橫南將軍。大臣慕義。結十友。卽燕公  
張說。館陶公郭元振。爲首。余壯之。遂作詩。

太古歷陽郡。化爲洪川在。江山猶鬱盤。龍虎祕光彩。  
蓄洩數千載。風雲何靈霽。特生勤將軍。神力百夫倍。

古意

君爲女蘿草。妾作兔絲花。輕條不自引。爲逐春風斜。  
百丈託遠松。纏絲成一家。誰言會面易。各在青山崖。  
女蘿發馨香。兔絲斷人腸。枝枝相糾結。葉葉竟飄揚。  
生子不知根。因誰共芬芳。中巢雙翡翠。上宿紫鴛鴦。

君識二草心海潮亦可量

已上歌吟

贈從兄襄陽少府皓

一作晤以下作贈

結髮未識事所交盡豪雄卻秦不受賞擊晉一作甯

為功託身白刃裏殺人紅塵中當朝揖高義舉止欽

英風小節豈足言退耕春陵東歸來無產業生事如

轉蓬一朝狐一作鳥裘敝百鎰黃金空彈劍徒激昂出

門悲路窮吾兄青雲士然諾聞諸公所以陳片言片

言貴情通棣華儻不接甘與秋草同

贈張公洲革處士

列子居鄭圃不將衆庶分革侯遁南浦常恐楚人聞

抱甕灌秋蔬心閑遊天雲每將瓜田叟耕種漢水濱

一作時登張公洲入獸不亂羣井無桔槔事門絕刺

繡文長揖二千石遠辭百里君斯為真隱者吾黨慕

清芬

淮海對雪贈傅靄

一作淮南對雪贈孟浩然

朔雪落吳一作潮天從風渡溟渤海樹一作木成陽春江

沙皓明月飄颻四荒外想像千花發瑤草生階墀玉

塵散庭闕興從剡溪起思繞梁山發寄君郢中歌曲

罷心斷絕一云剡溪興空在郢路歌未歇寄君梁父吟曲盡心斷絕

贈徐安宜

白田見楚老歌詠徐安宜製錦不擇地操刀良在茲

清風動百里惠化聞京師浮人若雲歸耕種滿郊歧

川光淨麥隴日色明桑枝訟息但長嘯賓來或解頤

青槐拂戶牖白一作碧水流園池遊子滯安邑懷恩未

忍辭繫君樹桃李歲晚託深期浮人猶流人也遊子太白自謂也

贈任城盧主簿潛

魯中

海鳥知天風竄身魯門東臨觴不能飲矯翼思凌空

鐘鼓不為樂煙霜誰與同歸飛未忍去流淚謝鴛鴻

海鳥太白  
以自喻也

早秋贈裴十七仲堪

遠海動風色。吹愁一作秋落天涯。南星變大火。熱氣餘

丹霞光。景不可迴。六龍轉天車。荆人泣美玉。魯叟悲

匏瓜。功業若夢裏。一作中撫一作推琴發長嗟。以上十句  
太白自詠

也。裴生信一作實英邁。崛起多才華。歷抵海岱豪。結交

魯朱家。一作豪結交列如麻。良圖竟未展。意欲飛丹砂。破

產且救人。遺身不為家。復攜兩少女。一作妾豔色驚荷

花。雙鬢入青雲。但惜白日斜。窮一作滄溟出寶貝。大澤

饒龍蛇。明主儻一作必見收。煙霄路非賒。知飛萬里道。

勿使歲寒差。一作會歸應鍊丹砂

贈范金鄉二首

君子枉清眄。不知東走迷。離家未幾月。絡緯鳴中閨。

桃李君不言。攀花願成蹊。那能吐芳信。惠好相招攜。

我有結綠珍。久藏濁水泥。時人棄此物。乃與燕珉一作石齊。拂拭欲贈之。申眉路無梯。遼東慙白豕。楚客羞山雞。徒有獻芹心。終流泣玉一作血。啼祇應自索。漠留舌示山妻。

范宰不買名絃歌。對前楹為邦默。自化日覺冰壺清。百里雞犬靜千廬。機杼鳴浮人少蕩。析愛客多逢迎。遊子覩嘉政。因之聽頌聲。前一首自述次首頌范觀枉清晤相招攜等句似范有書邀太白東遊也桃李二句謂縱無書信人猶願攀附而來那能二句言况復有書相招也

### 贈瑕邱王少府

皎皎鸞鳳姿。飄飄神仙氣。梅生亦何事。來作南昌尉。清風佐鳴琴。寂寞道為貴。一作為誰貴一見過所聞。操持難與羣。毫揮魯邑訟。目送瀛洲雲。我隱屠釣下。爾當玉石分。無由接高論。空此仰清芬。

### 贈丹陽橫山周處士惟長

周子橫山隱。開門臨城隅。連峯入戶牖。勝概凌方壺。  
時枉白紵詞。放歌丹陽湖。水色傲溟渤。川光秀菰蒲。  
當其得意時。心與天壤俱。閑雲隨舒卷。安識身有無。  
抱石恥獻玉。沈泉笑探珠。羽化如可作。相攜上清都。

一作攜手  
上清都

玉真公主別館苦雨贈衛尉張卿二首 長安

愁坐金張館。繁陰晝不開。空煙送雨色。蕭颯望中來。  
翳翳昏墊苦。沈沈憂恨催。清秋何以慰。白酒盈吾杯。  
吟詠思管樂。此人已成灰。獨酌聊自勉。誰貴經綸才。  
彈劍謝公子。無魚良可哀。

苦雨思白日。浮雲何由卷。稷離和天人。陰陽仍驕蹇。  
秋霖劇倒井。昏霧橫絕巘。欲往咫尺塗。遂成山川限。  
濛濛奔溜瀉。浩浩驚波轉。泥沙塞中途。牛馬不可辨。  
飢從漂母食。閑綴羽林

一作簡  
曝書於羽陵園家  
出穆天子傳



逢秋蔬藜藿不滿眼。蠨蛸結思幽。蟋蟀傷福淺。廚竈  
無青煙。刀机生綠蘚。投筴解鷓鴣。換酒醉北堂。丹徒  
布衣者。慷慨未可量。何時黃金盤。一斛薦檳榔。功成  
拂衣去。搖裔滄洲旁。

前路備陳苦雨愁寂之狀末  
八句自露英雄振奮之概

贈韋祕書子春

谷口鄭子真。躬耕在巖石。高名動京師。天下皆藉藉。  
其人竟不起。雲臥從所適。苟無濟世心。獨善亦何益。  
惟君家世者。偃息逢休明。談天信浩蕩。說劍紛縱橫。  
謝公不徒然。起來爲蒼生。祕書何寂寂。無乃羈豪英。  
且復歸碧山。安能戀金闕。舊宅樵漁地。蓬蒿已應沒。  
卻顧女兒峯。此女几山在河南府宜陽縣韋祕書  
此時當躉歸山中行將復出也胡顏  
見雲月。徒爲風塵苦。一官已白髮。氣同萬里合。訪我  
來瓊都。披雲覩青天。捫蝨話良圖。留侯將綺季。出處  
未云殊。終與安社稷。功成立五湖。

首八句論賢者宜  
濟世不宜高隱惟

君八句言韋門地甚盛不宜久於祕書且復  
八句敘韋躉歸山中未八句敘兩人交誼

珍做宋版印

贈韋侍御黃裳二首

太華生長松亭亭凌霜雪天與百尺高豈爲微颺折  
桃李賣搖豔路人行且迷春光掃地盡碧葉成黃泥  
願君學長松慎勿作桃李受屈不改心然後知君子  
見君乘驄馬知上太山道此地果摧輪全身以爲寶  
我如豐年玉棄置秋田草但勗冰壺心無爲歎衰老

贈薛校書

我有吳趨曲無人知此音姑蘇成蔓草麋鹿空悲吟  
未誇觀濤作空鬱釣鼇心舉手謝東海虛行歸故林

贈何七判官昌浩

有時忽惆悵匡坐至夜分平明空嘯咤思欲解世紛  
心隨長風去吹散萬里雲羞作濟南生九十誦古文  
不然拂劍起沙漠收奇勳老死田陌間何因揚清芬

夫子今管樂。英才冠三軍。終與同出處。豈將沮溺羣。

五字句中  
跌宕乃爾

讀諸葛武侯傳書懷贈長安崔少府叔封昆季

漢道昔云季。羣雄方戰爭。霸圖各未立。割據資豪英。  
赤伏起頽運。臥龍得孔明。當其南陽時。隴畝躬自耕。  
魚水三顧合。風雲四海生。武侯立岷蜀。壯士吞咸京。  
何人先見許。但有崔州平。余亦草閒人。一作士頗懷拯  
物情。晚途值子玉。華髮同衰榮。託意在經濟。結交爲  
弟兄。無令管與鮑。千載獨知名。用崔州平影入少府  
鍼線痕跡宛爾可尋

贈崔侍御

黃河三尺鯉。本在孟津居。點額不成龍。歸來伴一作

凡魚。故人東海客。一見借吹噓。風濤儻相因。更欲凌

崑墟。何當赤草使。再往召相如。楊齊賢本無末二句  
似以無之爲是如有

此二句赤草  
使必有誤字

贈參寥子

白鶴飛天書南荆訪高士五雲在峴山果得參寥子  
骭麟辭故園昂藏入君門天子分玉帛百官接話言  
毫墨時灑落探元有奇作著論窮天人千春祕麟閣  
長揖不受官拂衣歸林巒余亦去金馬藤蘿同所歡  
相思在何處桂樹青雲端

贈饒陽張司務璩

燕魏太原

朝飲蒼梧泉夕棲碧海煙甯知鸞鳳意遠託椅桐前  
慕蘭豈曩古攀嵇是當年愧非黃石老安識子房賢  
功業嗟落日容華棄徂川一語已道意三山期著鞭  
蹉跎人間世寥落壺中天獨見遊物祖探元窮化先  
何當共攜手相與排冥

一作筌

贈清漳明府姪

我李百萬葉柯條布中州天開青雲器日爲蒼生憂

小邑且割雞大刀。佇烹牛雷聲動四境。惠與清漳流  
絃歌詠。唐堯脫落隱簪組。心和得天真。風俗由獨一作

太古牛羊散阡陌。夜寢不扃戶。問此何以然。賢人宰  
吾土。舉邑樹桃李。垂陰亦流芬。河堤繞綠水。桑柘連  
青雲。趙女不冶容。提籠晝成羣。繰絲鳴機杼。百里聲  
相聞。認息鳥下階。高臥披道帙。蒲鞭挂檐枝。示恥無  
撲扶。琴清月當戶。人寂風入室。長嘯無一言。陶然上  
皇逸。白玉壺冰水壺中見。底清清光洞毫髮。皎潔照  
羣情。趙北美佳政。燕南播高名。過客覽行謠。因之頌

德聲一作頌聲

贈臨洛縣令皓弟時被訟停官

陶令去彭澤。茫然元古心。大音自成曲。但奏無弦琴。  
釣水路非遙。連鰲意何深。終期龍伯國。與余相招尋。

鄴中贈王大勸入高鳳石門山幽居

一身竟無託。遠與孤蓬征。千里失所依。復將落葉并。  
中途偶良朋。問我將何行。欲獻濟時策。此心誰見明。  
君王制六合。海塞無交兵。壯士伏草間。沈憂亂縱橫。  
飄飄不得意。昨發南都城。紫鷲櫪上嘶。青萍匣中鳴。  
投軀寄天下。長嘯尋豪英。恥學琅邪人。龍蟠事躬耕。  
富貴吾自取。建功及春榮。我願執爾手。爾當達我情。  
相知同一己。豈唯弟與兄。抱子弄白雲。琴歌發清聲。  
臨別意難盡。各希存令名。

贈盧徵君昆弟

盧名鴻  
字顯然

明主訪賢逸。雲泉今已空。二盧竟不起。萬乘高其風。  
河上喜相得。壺中趣每同。滄洲即此地。觀化遊無窮。  
木落海水清。鰲背覩方蓬。與君弄倒影。攜手凌星虹。

贈新平

一作少年

韓信在淮陰。少年相欺凌。屈體若無骨。壯心有所憑。

一遭龍顏君嘯咤從此與千金答漂母萬古共嗟稱  
而我竟胡一作何為寒苦坐相仍長風入短袂內一作兩  
手如懷冰故友不相恤新交甯見矜摧殘檻中虎羈  
紲韉上鷹何時騰風雲搏擊申所能搏擊申所能亦  
有李廣斬霸陵  
尉之意太白千古英  
豪度量亦殊不廣

贈崔侍御

長劍一杯酒男兒方寸心洛陽因劇孟託一作訪宿話  
胸襟但仰山嶽秀不知江海深長安復攜手再顧重  
千金君乃轄軒佐余叨翰墨林高風摧秀木驚彈落  
虛禽不取回舟興而來命駕尋扶搖應借便一作力桃  
李願成陰笑吐張儀舌愁為莊舄吟誰憐明月夜腸  
斷聽秋砧

贈嵩山焦鍊師

並序  
洛陽

嵩邱有神人焦鍊師者不知何許婦人也又

云生於齊梁時其年貌可稱五六十常胎息  
絕穀居少室廬遊行若飛倏忽萬里世或傳  
其入東海登蓬萊竟不能測其往也余訪道

少室盡登三十六峯聞風有寄灑翰遙贈

二室凌

倚一作

青天三花含

明一作

紫

綠一作

煙中有蓬海

客宛疑麻姑仙道在喧莫染跡高想已緜時餐金鵝

藥

一作金蛾藥

屢讀青苔篇入極恣遊憩九垓長周旋下

瓢酌潁水舞鶴來伊川還歸空山上獨拂秋霞眠蘿

月挂朝鏡松風鳴夜絃潛光隱嵩嶽鍊魄棲雲幄霓

衣何飄飄

一作歲鞋

鳳吹

一作羽

轉絲邈願同西王母下顧

東方朔紫書儻可傳冥

一作銘

骨誓相學

秋日鍊藥院鑷白髮贈元六兄林宗

木落識歲秋瓶水知天寒桂枝日已綠拂雪凌雲端

弱齡接光景矯翼攀鴻鸞投分三十載榮枯同所懽



長吁望青雲。鑷白坐相看。秋顏入曉鏡。壯髮凋危冠。  
窮與鮑生賈。飢從漂母餐。時來極天人。道在豈吟歎。  
樂毅方適趙。蘇秦初說韓。卷舒固在我。何事空摧殘。

書情贈蔡舍人雄

梁宋

嘗高謝太傅

一作嘗聞謝安石

攜妓東山門。楚舞醉碧雲。吳

歌斷青猿。蹇因蒼生起。談笑定黎元。余亦愛此人。丹

霄冀飛翻。遭逢聖明主。敢進興亡言。娥眉積讒妬。魚

目嗤璵璠。白璧竟何辜。

一作本無瑕

青蠅遂成冤。一朝去

京國。十載客梁園。猛犬吠九關。殺人憤精魂。皇穹雪

天枉。白日開氛昏。泰階得夔龍。桃李滿中原。倒海索

明月。凌山採芳蓀。愧無橫草功。虛負雨露恩。跡謝雲

臺閣。心隨天馬轅。夫子王佐才。而今復誰論。

論疑當作倫

曾飈振六翮。不日思騰騫。我縱五湖棹。煙濤恣崩奔。

夢釣子陵湍。英風緬猶存。徒希客星隱。弱植不足援。

千里一迴首。萬里一長歌。黃鶴不復來。清風愁柰何。

舟浮瀟湘月。一作江橫山倒洞庭波。投汨笑古人。臨

濠得天和。閑時田畝中。搔背牧雞鵝。別離解相訪。應

在武陵多。首八句自敘夙有用世之志。遭逢十句敘被讒去國皇穹十句敘讒謗得雪再被恩

寵夫子四句頌蔡將得志乘時我縱句至末自述邈然高蹈之志

### 憶襄陽舊遊贈濟陰馬少府巨

昔為大堤客。曾上山公樓。開窗碧嶂滿。拂鏡滄江流。

高冠佩雄劍。長揖韓荊州。此地別夫子。今來思舊遊。

朱顏君未老。白髮我先秋。壯志恐蹉跎。功名若雲浮。

一作有意未得言懷賢若沈憂。歸心結遠夢。落日懸春愁。空思羊叔

子。墮淚峴山頭。一作何時共攜手。更醉峴山頭。

### 訪道安陵遇蓋寰為予造真籙臨別留贈

清水見白石。仙人識青童。安陵蓋夫子。十歲與天通。

懸河與微言。談論安可窮。能令二千石。撫背驚神聰。

揮毫贈新詩。高價掩山東。至今平原客。感激慕清風。  
學道北海仙。傳書藥珠宮。丹田了玉闕。白日思雲空。  
爲我草真籙。天人慙妙工。七元洞豁落。八角輝星虹。  
二三災蕩璇璣蛟。龍翼微躬舉手謝。天地虛無齊。始終  
黃金獻高堂。答荷難克充。下笑世上士。沈魂北羅鄩。  
昔日萬乘墳。今成一科蓬。贈言若可重。實此輕華嵩。

贈郎中崔宗之

金陵

胡鷹

雁一作

拂海翼。翱翔鳴素秋。驚雲辭沙朔。飄蕩迷

河洲

一作胡鷹度日邊。兩龍天地

有乃一作如飛蓬人

去逐

一作萬里遊。登高望浮雲。髣髴如舊邱。日從海

旁沒。水向天邊流。長嘯倚孤劍。目極心悠悠。歲晏歸

去來富貴安。所求仲尼七十說。歷聘莫見收。魯連逃

千金珪組豈可

一作不足

酬時哉。苟不會。草木爲我儔。希

君同攜手。長往南山幽。

贈崔諮議

駮驥本天馬素非伏櫪駒長嘶向一作起清風倏忽凌

九區何言西北至卻是東南隅世道有翻覆前期一作

程又難預圖希君一一作前剪拂一作便猶可騁中衢

贈別從甥高五

魚目高太山不如一瑣璠賢甥即明月聲價動天門

能成吾宅相不減魏陽元自顧寡籌略功名安所存

五木思一擲如繩繫窮猿櫪中駿馬空堂上醉人喧

黃金久已罄為報故交恩聞君隴西行使我驚心魂

與爾共飄颻雪天各飛翻江水流或卷此心難具論

貧家羞好客語拙覺辭繁三朝空錯莫對飯卻慙冤

自笑我非夫生事多契闊蓄積萬古憤向誰得開豁

天地一浮雲此身乃毫末忽見無端倪太虛可苞括

去去何足道臨歧空復愁肝膽不楚越山河亦衾幘

雲龍若相從。明主會見收。成功解相訪。溪水桃花流。  
三朝謂歲朝。月朝。日朝。即正月元旦也。見漢書谷永傳。觀貧家。羞好客。六句蓋高五至公家辭別而公愧款接不能丰腆耳。

### 贈裴司馬

翡翠黃金縷。繡成歌舞衣。若無雲間月。誰可比光輝。  
秀色一如此。多爲衆女譏。君恩移昔愛。失寵秋風歸。  
愁苦不窺鄰。泣上流黃機。天寒素手冷。夜長燭復微。  
十日不滿匹。鬢蓬亂若絲。猶是可憐人。容華世中稀。  
向君發皓齒。顧我莫相違。  
通首皆用比體。愁苦不窺鄰。於人無怨也。泣上流黃機。反身修德也。天寒四句。動心忍性也。容華世中稀。增益其所不能也。

### 敘舊贈江陽宰陸調

太伯讓天下。仲雍揚波濤。清風蕩萬古。跡與星辰高。  
開吳食東溟。陸氏世英髦。多君秉古節。嶽立冠人曹。  
風流少年時。京洛事遊遨。腰間延陵劍。玉帶明珠袍。

我昔鬪雞徒連延武陵豪邀遮相組織呵嚇來煎熬  
君開萬叢人鞍馬皆闢易告急清憲臺脫余北門厄

閒宰江陽邑翦棘樹蘭芳云一本自陸氏世英髦以下

曹風流少年時京洛事遊遨驂驪紅陽鸞玉劍明珠

袍一諾許他人千金雙錯刀滿堂青雲士望美期丹

霄邀遮昔北門厄摧如赫相一枝蒿君披萬人叢脫我如

豪此取竟未刷且食綏山挑非天兩文章所祖記風

牢蒼蓬老壯髮長策未逢遭別君幾何時君無相思

否鳴琴坐高樓綠水淨窗牖政成聞雅頌人吏皆拱

手投刃有餘地迴車攝江陽錯雜非易理先威挫豪

此下同與城門何肅穆五月飛秋霜好鳥集珍木高才

列華堂時從府中歸絲管儼成行但苦隔遠道無由

共銜觴江北荷花開江南楊梅熟正好飲酒時懷賢

在心目挂席候海色當風下長川多酤新豐醪滿載

剡溪船中途不遇人直到爾門前大笑同一醉取樂

平生年

贈從孫義興宰銘

亞相李公重之以能政中丞李公免罷以移官

天子思茂宰天枝得英才朗然清秋月獨出映吳臺  
落筆生綺繡操刀振風雷蠖屈雖百里鵬騫望三台  
退食無外事琴堂向山開綠水寂以閑白雲有時來  
河陽富奇藻彭澤縱名杯所恨不見之猶如仰昭回  
元惡昔滔天疲人散幽草驚川無恬鱗舉邑罕遺老  
誓雪會稽恥將奔宛陵道亞相素所重投刃應桑林  
獨坐傷激揚神融一開襟絃歌欣再理和樂醉人心  
蠹政除害馬傾巢有歸禽壺漿候君來聚舞共謳吟  
農夫棄蓑笠蠶女墮纓簪歡笑相拜賀則知惠愛深  
歷職吾所聞稱賢爾爲最化洽一邦上名馳三江外  
峻節冠雲霄通方堪遠大能文變風俗好客留軒蓋  
他日一來遊因之巖光瀨

元惡謂安史之亂疲人即疲民也因避諱而作人應

桑林用莊子庖丁解牛合於桑林之舞事謂李銘與亞相投契如響斯應也

草創大還贈柳官迪

天地爲橐籥周流行太易造化合元符交構騰精魄  
自然成妙用熟知其指的羅絡四季間縣微一無隙  
日月更出沒雙光豈云隻姁女乘河車黃金充轆軛  
執樞相管轄摧伏傷羽翮朱鳥張炎威白虎守本宅  
相煎成苦老消鑠凝津液髣髴明窗塵死灰同至寂  
鑄冶入赤色十二周律歷赫然稱大還與道本無隔  
白日可撫弄清都在咫尺北艷落死名南斗上生籍  
抑予是何者身在方士格才術信縱橫世途自輕擲  
吾求仙棄俗君曉損勝益不向金闕遊思爲玉皇客  
鸞車速風電龍騎無鞭策一舉上九天相攜同所適

贈崔司戶文昆季

雙珠出海底俱是連城珍明月兩特達餘輝照傍人  
英聲振名都高價動殊鄰豈伊箕山故特以風期親  
惟昔不自媒以下自述擔簦西入秦攀龍九天上別忝歲



星臣布衣侍丹墀。密勿草絲綸。才微惠渥重。讒巧生  
緇磷。一去已十年。今來復盈旬。清霜入曉鬢。白露生  
衣巾。側見綠水亭。謂開門列華茵。千金散義士。四座  
無凡賓。欲折月中桂。指持爲寒者薪。自謂路傍已竊笑  
天路將何因。垂恩儻邱山。報德有微身。

贈溧陽宋少府陟

李斯未相秦。且逐東門兔。宋玉事襄王。能爲高唐賦。  
常聞淥水曲。忽此相逢遇。掃灑青天開。豁然披雲霧。  
歲蕤紫鸞鳴。巢在崑山樹。驚風西北吹。飛落南溟去。  
早懷經濟策。特受龍顏顧。白玉棲青蠅。君臣忽行路。  
人生感分義。貴欲呈丹素。何日清中原。相期廓天步。  
首四句以李宋二姓引入嘗聞四句喜相見而披豁  
情懷也歲蕤四句指宋由京而至江南早懷四句自  
敘遭讒失志末四  
句敘投分之意

戲贈鄭溧陽

陶令日日醉不知五柳春素琴本無絃澆酒用葛巾  
清風北窗下自謂羲皇人何時到溧

栗

作里一見平生親

生親

贈僧崖公

昔在朗陵東學禪白眉空大地了鏡徹迴旋寄輪風  
攬披造化力持爲我神通晚謁太山君親見日沒雲  
中夜臥山月

一作夜臥雪上月

拂衣逃人羣授余金仙道曠

劫未始聞冥機發天光獨朗謝垢氛虛舟不繫物觀  
化遊江濱江濱遇同聲道崖乃僧英說法動海嶽遊  
方化公卿手秉玉塵尾如登白樓亭微言注百川  
豐信可聽一風鼓羣有萬籟各自鳴啓開七窗牖託  
宿掣雷霆自云歷天台搏壁攝翠屏凌兢石橋去恍  
惚入青冥昔往今來歸絕景無不經何日更攜手乘  
杯向蓬瀛

遊溧陽北湖亭望瓦屋山懷古贈同旅

孟浩作贈然

朝登北湖亭遙望瓦屋山天清白露下始覺

一作秋

風還遊子託主人仰觀眉睫間日

一作目

色送飛鴻邈

然不可攀長吁相勸勉何事來吳關聞有貞義女振  
窮溧水灣清光了在眼白日如披顏高墳六七墩萃  
兀棲猛虎遺跡翳九泉芳名動千古子胥昔乞食此  
女傾壺漿運開展宿憤入楚鞭平王凜冽天地間聞  
名若懷霜壯夫或未達十步九太行與君拂衣去萬  
里同翱翔

贈秋浦柳少府

秋浦舊蕭索公庭人吏稀因君樹桃李此地忽芳菲  
搖筆望白雲開簾當翠微時來引山月縱酒酣清輝  
而我愛夫子淹留未忍歸

宿清溪主人

夜到清溪宿主人碧巖裏檐楹挂星斗枕席響風水  
月落西山時啾啾夜猿起

贈王判官時余歸隱居廬山屏風壘 尋陽

昔別黃鶴樓蹉跎淮海秋俱飄零落葉各散洞庭流  
中年不相見蹭蹬遊吳越何處我思君天台綠蘿月  
會稽風月好卻遶剡溪迴雲山海上海上出人物鏡中來  
一度浙江北十年醉楚臺荆門倒屈宋梁苑傾鄒枚  
苦笑我誇誕知音安在哉大盜割鴻溝如風掃秋葉  
吾非濟代人且隱屏風壘中夜天中望憶君思見君  
明朝拂衣去永與海鷗羣

在水軍宴贈幕府諸侍御 永王軍中

月化五白日一作龍翻飛凌九天胡沙驚北海電掃洛

陽川虜箭兩宮闕皇輿成播遷英王受廟略 英王即永王璘

也秉鉞清南邊雲旗卷海雪金戟羅江煙聚散百萬

人弛張在一賢霜臺降羣彥水國奉戎旃繡服開宴  
語天人借樓船如登黃金臺遙謁紫霞仙卷身編蓬  
下冥機四十年甯知草間人腰下有龍泉浮雲在一  
決誓欲清幽燕願與四座公靜談金匱篇齊心戴朝  
恩不惜微軀捐所冀旄頭滅功成追魯連

贈武十七諤

並序

門人武諤深於義

一作詩

者也質木沈悍慕要

離之風潛釣川海不數數於世間事聞中原  
作難西來訪余余愛子伯禽在魯許將冒胡  
兵以致之酒酣感激援筆而贈

馬如一匹練明日過吳門乃是要離客西來欲報恩  
笑開燕七首拂拭竟無言狄犬吠清洛天津成塞垣  
愛子隔東魯空悲斷腸猿林回棄白壁千里阻同奔  
君爲我致之輕齎涉淮源精誠合天道不愧遠遊魂

攸一作鄧

贈張相鎬二首時逃難病在宿松山作後一首亦作書懷重寄張相公

神器難竊弄天狼窺紫宸六龍遷一作白日四海一作

洛九暗胡塵昊穹降元宰君子方經綸澹然養浩氣歛

起持天鈞秀骨象山嶽英謀合鬼神佐漢解鴻門興

唐一作思退身一作擁旄秉金鉞伐鼓乘朱輪

虎將如雷霆一作總戎向東巡諸侯拜馬首猛士騎

鯨鱗澤被魚鳥悅令行草木春聖智一作不失時建

功及良辰醜虜安足紀可貽幘與巾倒瀉溟海珠盡

為入幕珍馮異獻赤伏鄧生歟來臻庶同昆陽舉再

覩漢儀新昔為管將鮑中奔吳隔秦一生欲報主百

代期榮親其事竟不就哀哉難重陳臥病古松滋蒼

山空四鄰風雲激壯志枯槁驚常倫聞君自天來目

張氣益振亞夫得劇子孟敵一作國空一作無人捫蝨

對桓公願得論悲辛大塊方噫氣何辭鼓青蘋斯言

儻不合歸老漢江濱昔為管將鮑以下皆自述也

本家一作隴西人先為漢邊將自敘家世功略蓋天

地名飛青雲上苦戰竟不侯當年頗惆悵世傳崆峒

勇氣激金風壯英烈遺厥孫百代神猶王十五觀奇

書作賦凌相如龍顏惠殊寵麟閣憑天居一作侍從承明廬

晚途未云已蹭蹬遭讒毀想像晉末時崩騰胡塵起

衣冠陷鋒鏑戎虜盈朝市一作荆棘生朝市石勒窺神州劉

聰劫天子撫劍夜吟嘯雄心日千里誓欲斬鯨鯢澄

清洛陽水六合一作灑霖雨萬物六合無凋枯我揮

一杯水自笑何區區因人恥成事貴欲決良圖滅虜

不言功飄然陟一作蓬壺唯有安期寫留之滄海隅

想像六句借晉事以喻明皇幸蜀

贈閻邱宿松

阮籍為太守乘驢上東平剖竹十日間一朝風化清  
偶來拂衣去誰測主人情夫子理宿松浮雲知古城  
掃地物莽然秋來百草生飛鳥還舊巢遷人返躬耕  
何慙宓子賤不減陶淵明吾知千載後卻掩二賢名

獄中上崔相渙 尋陽

胡馬渡洛水血流征戰場千門閉秋景萬姓危朝霜  
賢相燮元氣再欣海縣康台庭有夔龍列宿粲成行  
羽翼三光聖發輝兩太陽應念覆盆下雪泣拜天光

太白坐永王璘事繫尋陽獄宜撫大使崔渙  
與御史中丞宋若愚驗治以為罪薄宜貫

繫尋陽上崔相渙二首 此題又有非一首虛傳一  
片雨云云

詩今  
不抄

邯鄲四十萬同日陷長平能迴造化筆或冀一人生

毛遂不墮井曾參甯 一作 殺人虛言誤公子投杼惑

慈親白壁雙明月方知一玉真 毛遂曾參皆有兩人  
同名事見西京雜記



太白引此以自  
比其遭讒之枉

贈劉都使

東平劉公幹南國秀餘芳一鳴卽朱紱五十佩銀章  
飲冰事戎幕衣錦華水鄉銅官幾萬人諍訟清玉堂  
吐言貴珠玉落筆迴風霜而我謝明主銜哀投夜郎  
歸家酒債多門客粲成行高談滿四座一日傾千觴  
所求竟無緒裘馬欲摧藏主人若不顧明發釣滄浪

此向劉都使借貸之  
詩下語極有斟酌

贈常侍御

安石在東山無心濟天下一起振橫流功成復蕭灑  
大賢有舒卷李葉輕風雅匡復屬何人君爲知音者  
傳聞武安將氣振長平瓦燕趙期洗清周秦保宗社  
登朝若有言爲訪南遷賈

周秦謂東京西京  
時尚未收復也

贈易秀才

少年解長劍。投贈卽分離。何不斷犀象。精光暗往時。  
蹉跎君自惜。竄逐我因誰。地遠虞翻老。秋深宋玉悲。  
空摧芳桂色。不屈古松姿。感激平生意。勞歌寄此辭。  
經亂離後天恩流夜郎憶舊遊書懷贈江夏韋

太守良宰

江夏岳陽

天上白玉京。十二樓五城。仙人撫我頂。結髮受長生。  
誤逐世間樂。頗窮理亂情。九十六聖君。浮雲挂空名。  
天地賭一擲。未能忘戰爭。試涉霸王略。將期軒冕榮。  
時命乃大謬。棄之海上行。學劍翻自哂。爲文竟何成。  
劍非萬人敵。文竊四海聲。兒戲不足道。五噫出西京。  
臨當欲去時。慷慨淚沾纓。歎君倜儻才。標舉冠羣英。  
開筵引祖帳。慰此遠徂征。鞍馬若浮雲。送余驪騎亭。  
歌鍾不盡意。白日落昆明。  
已上自敘少時以謫仙之才講匡時之略曾承韋太

守錢別於長安

十月到幽州。戈鋌若羅星。君王棄北海。掃地

借長鯨呼吸走百川燕然可摧傾心知不得意一作語

卻欲棲蓬瀛彎弧懼天狼挾矢不敢張攬涕黃金臺

呼天哭昭王無人貴駿骨綠耳空騰驤樂毅儻再生

于今亦奔亡蹉跎蒼一作茫不得意驅馬過貴鄉逢君聽

絃歌肅穆坐華堂百里獨太古陶然臥羲皇徵樂昌

樂館開筵列壺觴賢豪間青娥對燭儼成行醉舞紛

綺席清歌繞飛梁歡娛未終朝秩滿一作解印歸咸陽祖

道擁萬人供帳遙相望一別隔千里榮枯異炎涼已

自敘薄遊燕齊知祿山之必反而未敢言又炎涼幾

與韋相見於昌樂親見韋秩滿歸朝之事度改九土中橫潰漢甲連胡兵沙塵暗雲海草木搖

殺氣星辰無光彩白骨成邱山蒼生竟何罪函關壯

帝居國命懸哥舒長戟三十萬開門納兇渠公卿如

犬羊忠讜醢與菹二聖出遊豫兩京遂邱墟已上敘安史之亂

亂帝子許專征秉旄控強楚節制非桓文軍師擁熊

虎人心失去就賊勢騰風雨惟君固房陵誠節冠終  
古僕臥香鑪頂餐霞漱瑤泉門開九江轉枕下五湖  
連半夜水軍來尋陽滿旌旗空名適自誤迫脅上樓  
船徒賜五百金棄之若浮煙辭官不受賞翻謫夜郎  
天夜郎萬里道西上令人老掃蕩六合清仍為負霜  
草日月無偏照何由訴蒼昊已上敘王永璘東巡已  
因迫脅賜金而獲罪  
良牧稱神明深仁恤交道一忝青雲客三登黃鶴樓

顧慚禰處士虛對鸚鵡洲樊山霸氣盡寥落天地秋

一作形襟冠白筆爽氣凌清秋江帶蛾眉雪橫穿三峽流萬舸此中

來連帆過揚州送此萬里目曠然散我一作愁紗窗

倚天開水樹綠如髮一作水綠窺日一作畏銜山促

酒喜見月吳娃與越豔窈窕誇鉛紅呼來上雲梯含

笑出簾櫳對客小垂手羅衣舞春風賓跪請休息主

人情未極覽君荆山作江鮑堪動色清水出芙蓉天

然去雕飾。已上敘至江夏後章太守顧逸興橫素襟。

無時不招尋。朱門一作擁虎士。列戟何森森。翦鑿竹

石開縈流。漲清深。登樓一作坐一作水閣吐論多。英

一作音片辭貴白壁一諾輕黃金。謂我不媿君青鳥。

一作鸞。明丹心五夜雲間鵲。飛鳴天上來。傳聞赦書至。

卻放夜郎回暖氣。變寒谷炎煙。生死灰君登鳳池。去

勿棄賈生才。桀犬尚吠堯。匈奴笑千秋。中夜四五歎。

常為大國憂。旌旆夾兩山。黃河當中流。連雞不得進。

飲馬空夷猶。安得羿善射。一箭落旄頭。已上敘與韋

聞赦書仍思見用於世破賊立功

江夏使君叔。席上贈史郎中。

鳳凰丹禁裏。銜出紫泥書。昔放三湘去。今還萬死餘。

仙郎久為別。客舍問何如。涸轍思流水。浮雲失舊居。

多慚華省貴。不以逐臣疏。復如竹林下。而陪芳宴初。

希君生羽翼一化北溟魚

流夜郎半道承恩放還兼欣剋復之美書懷示

息秀才

黃口爲人羅白龍乃魚服得罪豈怨天以愚陷網目  
鯨鯢未翦滅豺狼屢翻覆悲作楚地囚何因秦庭哭  
遭逢二明主前後兩遷逐去國愁夜郎投身竄荒谷  
半道雲屯蒙曠如鳥出籠遙欣剋復美光武安可同  
天子巡劍閣儲皇守扶風揚袂正北辰開襟攬羣雄  
胡兵出月窟雷破關之東左掃因右拂旋收洛陽宮  
迴輿入咸京席卷六合通叱咤開帝業一作手成天  
地功大駕還長安兩日忽再中一朝讓寶位劍璽傳  
無窮媿無秋毫力誰念矍鑠翁弋者何所慕高飛仰  
冥鴻棄劍學丹砂臨鑪雙玉童寄言息夫子歲晚陟  
方蓬

十八家詩鈔卷第四

十八家詩鈔

卷四

五古

李白上

三

中華書局聚